





梅村詩注釋雖有數家而按切時事發明詩旨極讀者可以  
興可以觀經歷數年貴能知作者之心止為吳詩之功臣而下有  
功於後學者過此矣惜未殺青日就淹沒奈何以此書為  
吳門黃苑圃先生藏本末有黃先生手跋可寶也

同治癸卯九月十三日守學氏記於習正庄注屋





第一冊

八十七葉

程箋梅村詩集  
并言各種  
卷一 卷二



吳梅村先生詩箋序

註詩之難先哲言之備矣而余以為莫難於註梅村先生之詩何則先生當故明末造實切盱衡慨蒼鷹之枋國致青犢之弥天乃至鼇墜三山龍飛九服事關兩姓之間語以微文為主而復雅擅麗才鑪錘今古組織風雲指事則情遙微辭則境隱自非心會微旨無以罄諸語言其所為難斯其一也昭代鼎新十夫民獻信史未頒實禁野乘非旁搜鑿齒之編親接茂先之論茫如滄海昧比面墻幾何不使一代丹青混彼淄澠千年碧血蕩為墟莽也乎其為難二也且夫北都有普天括髮



之悲南朝亦千古傷心之地侯王既陵廟邱墟朋舊盡  
星霜凋替而乃援古貌今移形即景作者實愴不言之  
神讀者當按難尋之跡其所為難三也况言乎入洛非  
覬崇榮溯彼留周窳闕蕭瑟情源秀逸自難已於兼綜  
思業高竒或偶形於短詠既抑揚之非體又新故之罕  
兼乃荒朝不見於令伯之文則十空當會諸所南之史  
其所為難抑又四也余嘗讀其全集有契于心輒箋其  
下積數百條丁巳入都卷帙叢殘赫蹏散落適先生曾  
孫砥亭聞而徵之余家既歸而惜其哀然者在紙堆也  
因排纂之以寄砥亭且闕所未詳竢諸叅訂昔開元初

呂延祚表上文選勅以此見註本惟知引事不說意義  
今之註家病正同之陳事則鈔勒有餘旨趣則闡明不  
足憶幼時得陳維崧儷體讀而好之願見其排比時事  
苦無徵覈一旦聞有註本踴躍購之則但襲積詞句人  
人所曉而於論世知人之事漫無及焉因為悵恨弥日  
茲之所箋惟貴覈今無煩徵古若其史籤經弗紛綸璫  
璨則先生之集固未許剗中者得窺其崕畧而索解者  
所難正不在此也又何贅哉戊午花朝後學鶴市程穆  
衡識



吳梅村詩箋補註弁言

迺亭程先生著梅村祭酒詩箋十二卷詩餘附箋一卷  
分散各類年經月緯卓然成一家言誠可謂體大思精矣  
顧先生博極羣書故其原序謂祭酒之詩未許剽中者  
得窺其崖畧茲之所編惟貴覈今無煩徵古若余小子  
學識謏陋綜覽全書時或茫其所出暇日繙閱舊籍輒  
為釋註如干條近得黎城靳价人氏吳詩集覽一書閱  
竟又增補如干條今年春手錄一通用惠氏漁洋訓纂  
例總附全詩之後藏之篋衍雖不免為大雅所軒渠而  
後之問津梅村者或假之為岸筏焉乾隆辛丑上巳日



後學恒農楊學沆識

黎城新何人名崇藩輯吳詩集覽句疏字釋誠足為  
後學津梁然卷帙太繁轉不耐觀惟間有一二箋語  
可與程氏相發明者摭附於此又此書志照程氏原  
書惟中間裨史數條目成書時明史尚未頒行故間  
一引用今從芟削悉依正史又識

婁東耆舊傳

程穆衡撰

吳偉業字駿公梅村其號叅政公愈元孫也父琨字禹  
玉號約齋授經里中公生稟殊姿學如夙授江右李太  
虛明睿落魄客授州王大司馬所與約齋善一日飲於  
王氏太虛被酒碎其玉卮主有詬言太虛憤恚去約齋  
追而贖之太虛曰君子奇才也天如將以古學興東南  
盍令從游乎約齋如其言學則大成公為文大要根於  
六籍佐以兩漢而尤長春秋堅光駿響欲野歆山要之  
原本忠直品峻言厲故捶鼓蒙翳無以喻其厚也魏幟  
豹植不足為其彩也一出而中辛未會試第一廷試第



二海內震焉既授職編修即疏劾蔡奕琛奕琛者長吏  
部溫體仁私人是時秦涼羣盜勢日東官軍潰於河曲  
而登萊叛賊孔有德耿仲明復以偽降紿督師而覆其  
師政府不以為念方以帝之親定奄黨逆案也亦思搆  
一逆案以報東林公與師天如感憤太息疏既上好黨  
怖故事首甲進士刊房書必首列房師鑒定名而公稿  
僅列天如名知太虛意不悅因噉之使誣公以隱慝太  
虛正人勿為動公亦歸過刊匠以自解體仁逐天如去  
公亦請假歸娶事乃已乙亥赴闕補原官尋充纂修實  
錄丙子同宋九青玫典試湖廣楚賢大夫為熊魚山鄭

澹石拏舟來酌酒江樓談天下事江風吹面流涕縱橫  
公慨然有當世意明年體仁鈎奸人張漢儒訐錢謙益  
瞿式耜居鄉事赤車收捕而陸文聲訐復社事亦起體  
仁所規株連羅織海內諸名賢計無便社事者而漢儒  
陰謀通相邸事敗帝怒誅之放體仁歸繼相者張至發  
薛國觀一氣相禪其仇東林益甚會簡東宮講官至發  
力排擯黃石齋為給事中馮元飈所刺至發怒兩疏詆  
石齋而極頌體仁孤執不欺意為賜環地也公見疏憤  
惋極言攻至發帝覽章心動體仁亦幸以是年死始公  
同館選者凡二十四人惟豫章楊機部廷麟山右王二



彌邵濟寧楊鳧岫士聰三人者與公立朝相終始戊寅  
楊嗣昌擠機部入盧公建斗軍公與鳧岫謀以為至發  
國觀不去則東南大獄不解而衆賢終無登朝之望先  
落其爪距劾吏部尚書田唯嘉及其鄉人太僕寺卿史  
堃諸不法事帝黜唯嘉堃逮問適成御史勇以救石齋  
下獄攷掠堃謀以併坐兩人鳧岫亟引病去而公以銜  
命封延津孟津兩王於禹州俄出為南京國子監司業  
事少緩亡何堃因盜鹽課及他贓事發瘐死牢戶至發  
已先罷去國觀贓敗伏誅奕琛以先行賄國觀繫獄不  
知天如已前卒再許復社命下張公采獨條對上其辭

直帝悟獄解語見張公傳中公在崇禎中已歷中允論  
德晉庶子京師破時在籍福王召拜少詹事甫兩月奕  
琛已貴緣馬士英復柄用修舊卻先逮吳御史迺下獄  
迺者嘗為衢州司李浙有重獄會鞠事由奕琛迺奮筆  
定爰書故首及禍次擬公、急掛冠去順治中當路多  
疑其獨高節全名者強薦起之兩親懼禍及門戶嚴裝  
但應徵至京授祕書院侍講國子監祭酒鬱、慘沮觸  
事傷懷蓋乞活草間所虧一死之語不啻數見也間一  
歲得歸又十餘年以卒所著梅村詩文集春秋地理志  
春秋氏族志綏寇紀畧及他樂府詩話行世其詩排比



興亡搜揚掌故篇無虛詠近古罕儂焉子暲隣暄暲有  
傳隣字中麗才雋早夭暄字少容歷知通許壽光縣有  
能聲

論曰白居易有云文章合為時而著歌詩當緣事而作  
至哉言乎詩也者王者之跡也誦其詩將攷政迹焉建  
安以降洎乎齊梁徒麗以淫去作詩之旨遠矣今觀梅  
村之詩指事傳辭興亡具備遠蹤少陵之塞蘆子而近  
媿弇州之斂鵠行期以撫本反始麤存王迹同時諸子  
雖雲間虞山猶未或識之况悠悠百世歟當社事之盛  
也學侶奔轅聯茵接席雖二張之偉博足振興之實公

以盛藻巍科樹之幟而為招馬耳故立朝十年與黨禍  
相終始所與敵者皆閣部大臣任用領事以聲勢權利  
相倚行金錢數十萬金吾大璫為耳目日夜思所以中  
公而以儻焉一史臣嘗距摺拄俛出俛入惺而後免噫  
噉危矣迨夫莫歷方新蒲車赴召議者致譏其晚節不  
知命出嚴親志全宗緒跡其所以自傷悼徐廣攀車之  
恫不啻焉較諸當時漂陽海寧輩舐鼎速化鳴絃揆日  
者惡可同日而道哉



梅村詩箋凡例

一是編惟箋詩旨不及詩詞故潘藻邊笥例無隻字詮  
釋謂學者欲通六義先究五車其理固然不獨此書  
也

一不明五方風物則即景言情幽而不顯故於輿地間  
釋一二謂本與詩旨相關非他敷引比耳

一讀古人書貴尋調理茲於段落指畫極清讀者當自  
得之非若金人瑞論唐概以四句分截如良齋雜說  
所譏也

一引書於首條曰某人某書再見則僅曰某書先生所



自註亦僅曰某書其稱某人悉稱名若所引書中稱他人號謚或爵字悉仍之惟王阮亭則依戴若思石李龍例稱字先祖篁墩公則曰先克勤不號者其集既曰篁墩避不成辭也

一所引書一事而各家互見則語取其核者書取其僻者  
一一事而諸書各異則用溫公考異例參覈時勢融貫  
後先擇可傳信者錄之如有攷論另加按字

一大事而議論紛者一依明史為斷或本傳或錯雜他  
傳全採節錄一字不假以國歲為論定庶野乘可瘼  
焉

一一事必合數書始備者惟順事排緝不計著書先後  
攢感累積義悉爛然雖云津逮實出心聲

一箋與註為義各別此書是箋非註然猶有曰原注曰  
餘見某註亦避不成辭

一余丁巳通籍時明史尚未板行寓庶常直廬間與諸  
纂修者游探鈞中祕凡實錄明史一統志率得一斑  
書中所採皆是也他日頒布當取勘讎然料亦無大  
異同也

一梅村詩集向有錢湘靈評本但摘索過酷鮮所發明  
茲擇可採者悉登之仍冠以錢箋二字



一先生曾孫砥亭聰雋博雅有志先集凡有訪求殷然  
惠教書中所載以誦案二字別之

一拙著數種本不欲羈入緣昔賢遁義或藉涓埃非敢  
門靡聊復識小

一余慮箋此書實由老友穆簡臣氏簡臣名坤號南谷  
苑先先生姪孫也能縷舉梅村軼事十四入邑校以  
歲貢需次徧游秦楚燕豫丙午旋里余與談梅村詩  
簡臣曰君英年精博若此曷不為箋釋亦著述有功  
事歸而條次因有此編今數吾友之歿已十年為之  
黯悵簡臣詩渾麗余採入烏吟集

一梅村詩時序最為可攷舊本分類編錄無次茲如施  
蘇詩例分散各類志依年月

一舊刻校讐不精謬字纍々此本余所手錄志已更正  
鋟板時依此為定

一此書雖是箋非註然正史稗官深慮讀者偶忘所出  
轉滯詩旨故畧標其概于上方俾自求之載籍勝于  
抄撮

一先生外祖慙菴先生據梧齋藏書極富余幼時所卒  
業也壬子海災無隻字之遺書中所引間有臆錄字  
或異同見者正之



戊午春和鶴市迂亭程穆衡又識

吳梅村先生詩集目錄

卷一



早起



五月尋山夜寒話雨

下相懷古

虞美人

夜泊漢口

送李友梅還楚寄題其所居愛吾廬友梅慕陶故

詩以紀之

黃州杜退之改號蛻斯其音近而義別索詩為贈

殿上行

清風使節圖

過魚山曹植墓

夜宿阜昌

讀端清鄭世子傳

雒陽行



悲滕城

汴梁二首

題登封西烈婦井梧遺恨詩 免缺

瑜芬有侍兒明慧從江上歸則言去矣

織女 雁門尚書行

送黃子羽之任四首 送志衍入蜀

臨江叅軍行 采石磯

戲贈 子夜詞

子夜歌 子夜歌

松化石 贈妓圓郎

烏栖曲 偶成

永和宮詞 哭志衍

避亂

卷二

讀史雜感 塗松晚發

梅村 壽王子彥五十

松鼠 嘲周五子倣

溪橋夜話

初春同王惟夏郁計登夜坐奇懷室

新霽喜孫令修至同步後園探梅

送繼起和尚入天台 贈顧雲師



聞台州警

姜如須從越中寄詩次韻

東萊行

言懷

壽王鑑明五十

感事

初冬月夜過子做

園居東許九日

琵琶行

西田詩

王烟客招往西田同黃二攝六諸人賞菊

和王太常西田雜興韻

贈蒼雪

贈蒼雪鏡若兩師見訪

謝蒼雪贈葉染道衣

題歸元恭僧服小像

梅花菴同林若撫話兩聯句

送照如禪還吳門

吳門遇劉雪舫

贈徐子能

元墓謁剖公

過聞果師園居

游西灣

過甫里謁顧公因遇雲門具和尚

代具師答贈

晚泊

卷三

南生魯六真圖歌

謁范少伯祠

駕湖感舊

駕湖曲

題心函上人方菴

題徽上人代笠

項黃中家觀萬歲通天法帖

送徐次桓歸胥江草堂

武林謁同年張石平



亂後過湖上山水盡矣感賦一絕

登數峯閣禮浙中死事六君子

過南屏訪無生上人

陳青雷以半圃索題走筆戲贈

題西泠閨咏

海市四首

贈吳錦雯兼示同社諸子

別丁飛濤兄弟

贈馮子淵總戎

簡武康姜明府

園居

送吳門李仲木出守寧羗

丁亥之秋王烟客招予西田賞菊

與友人談遺事

友人齋說餅

聽女道士卞王京彈琴歌

琴河感舊

觀棋

後東臯草堂歌

破山興福寺僧鶴如五十

宴孫孝若山樓賦贈

毛子晉齋中讀吳艷菴手抄謝翱西臺慟哭記

汲古閣歌

贈李莪居御史

閬州行

送王子彥

遇舊友

穆大苑先卧病桐廬初歸

偶值

海溢



座主李太虛師從燕都問道北歸尋以南昌兵變  
避亂廣陵賦呈八首

無題

壽陸孟鳧七十

壽申少司馬青門六十

歲暮送穆大苑先往桐廬

卷四

辛卯元旦試筆

行路難

閨園詩

題王端士北歸草

蘆洲行

担船行

馬草行

曉粧

送友人還楚

新翻子夜歌

宮扇

偶見

古意

猿

素馳

象

牛

蒲桃

石榴

蘋婆

文官果

冰

大根菜

王瓜

豇豆

楚雲

題朱子葵鶴洲草堂

曉發

客路

苦雨



過朱買城墓

補襖

贈劉虛受

題鴛湖閨詠

釣臺

嘉湖訪同年霍魯齋觀察

贈郡守李秀州隆吉

贈糧儲道步公

山塘重贈楚雲

題志衍所畫山水

題孫銘常畫蘭

楚兩生行

口占贈蘇崑生

課女

茸城行

野望

送張學博孺高之官江北

聽朱樂隆歌

做唐人本事詩

目錄未完

吳梅村先生詩集卷一

鶴市程穆衡近亭原箋



恒農楊學沆艸堂補注

古近體詩七十五首起崇禎初至乙酉五月止

穿山

程穆衡州乘備採吾州穿山雖培塿耳然勝國名人如桑悅狄雲漢劉做劉做金福金祐諸公皆生於其地故諸公集中題詠最多幾與吳郡眾名山埒

勢削懸崖斷根移怒雨來洞深山轉伏石盡海方開廢寺三盤磴孤雲五尺臺蒼然飛動意未肯卧蒿萊

早起

早涼成偶游惜爽憩南樓公幼隨父約齋先生讀書志衍家之五桂樓在州城西南



隅其稱南樓者數矣。碁響鳥聲動，茶烟花氣浮。衫輕人影健，風細  
客心柔。餘興閒支枕，清光淺夢收。

五月尋山夜寒話雨

客衣輕百里，長夏惜登臨。正爾出門夜，忽逢山雨深。聊  
將斗酒樂無作，薄寒今年少。追涼好難為，父母心公少

工鍊如此鎮洋縣志採陋人語謂公少不能詩誣妄實甚

下相懷古。一統志宿遷縣西有楚霸王故里此崇禎初入都往反途中作也

驅車馬陵山，落日見下相。憶昔楚項王，拔山氣何壯。太  
息取祖龍，大言竟非妄。破釜救邯鄲，功居入關上。殺降  
復父讐，不比諸侯將。杯酒釋沛公，殊有君人量。胡為去

咸陽遭人扼，其吭亞父無。諍言奇計非，所望重瞳顧。柔  
仁隆準至，暴抗脫之掌握中。骨肉俱無恙，所以哭魯兄。  
仍具威儀葬，古來名與色。英雄不能忘，力戰兼悲歌。西  
風起酸愴，廢廟枕荒岡。虞兮侍帷帳，烏騅伏坐傍。踣地  
哀鳴狀，我來訪遺蹟。登高見芒碭，長陵竟坏土。萬事同  
惆悵。

馬陵一統志馬陵山在長陵高帝紀宿遷縣城枕其上

虞美人

咸陽宮闕早成塵，莫聽歌聲涕淚頻。若遇戚姬悲薄命，  
幸無如意勝夫人。



夜泊漢口 丙子典試湖廣

秋氣入鳴灘，釣簾對影看。久游鄉語失，獨客醉歌難。星

淡漁吹火，風高笛倚闌。江南歸自近，盡室寄長安。

漁吹火 鄭守愚詩：一尺鱸魚新。吹火荻花中。

送李友梅還楚寄題其所居愛吾廬友梅慕陶故

詩以記之 友梅居青浦見楊式傳果報見聞錄

寒雪滿潯陽，江程入楚鄉。灘逢黃鵠怒，嶺界白雲長。十

里魚蝦市，千頭橘柚莊。歸人賞村酒，彷彿是柴桑。

白雲 一統志：白雲山在武昌府嘉魚縣南十里。

黃州杜退之改號蛻斯其音近而義別索詩為贈

鎮江府志：明溧陽縣教諭杜祝進字退思，黃岡舉人。工詩文，陞助教。按退思萬曆壬子舉人，茶村先生父也。

述志賦：秋蟲孤吟，御遠風。掇皮忘我，相換骨。失衰翁畫

以通靈妙詩，因入悟空。少陵更字說，不肯效韓公。

掇皮 世說：謝公稱藍田掇皮，皆真。我相無我，剛經。

殿上行 紀：楊士聰事士聰，字朝徹，號鳧岫，山東濟寧人。梅村文集：公為檢討，充校書官，歲戊寅，論考選得失，疏劾吏部尚書田唯嘉及其鄉

人太僕史，外田唯嘉者，以法事應恩者，小人歷事久，關通中外，唯嘉特而驚，交喪家居，頭指相，張為師，而史莫敢言，公於便殿白發，其諸大吏為威福，天下莫敢言，公於便殿白發，其端退而書條，未幾田史之黨復振，公病請回嘉黜免，堊速問未幾田史之黨復振，公病請回



籍辛巳史堇死獄中詔籍其家應恩前以他事  
論死上乃思公言可用梅村行狀戊寅與楊公  
士聰謀劾史堇去而陰毒中於先生會  
堇死事寢按此則公固與士聰共事也

殿上雲旗天半出夾陛無聲手攀直有旨傳呼召集賢

左右公卿少顏色公卿繇來畏廷議上殿叩頭輒心悸

吾邱發策詘平津未斥齊人慚汲尉按史堇意在淄

尚至發乃在前三年乙亥時至發相張至發而公

直且上庖西書况今慷慨復違惜不爾何以乘朝車秦

涼盜賊雜風雨梁宋邱墟長沮汝降人數部花門留年

張獻忠乞降總理熊文燦曲徇其請獻忠率部曲數千

人居河界山又求襄陽一府以屯其軍文燦議給二萬

於穀城入據守之分屯羣盜於四郊口抽騎千人桂林

戌有去年水西安位死總督朱變元分其壞授諸巨帥及

置軍衛且耕且戍軍耕抵餉也變元疏請不設郡縣但

民耕輸糧故曰千人戍也至尊宵旰誰分憂挾彈求

鳳高墉謀老臣自詣都詔獄以議獄輕得罪入獄三後逐

客新辭鳩鵲樓正月裁南京冗先生翻然氣填臆口讀

彈文叱安石期門將軍鬚戟張側足聞之退股栗吾聞

孝宗宰執何其賢劉公大夏戴公珊明史劉大夏傳字

八年進士宏治十五年拜兵部尚書又戴珊傳字廷珍

浮梁人與大夏同舉進士宏治二年由南刑部尚書為

左都御史帝晚年召對大臣夾城日移對便殿造膝密

語為艱難如今公卿習唯唯長跪不言而已矣黃絲歷

亂朱絲直秋蟲跼曲秋雕起嗚呼拾遺指佞乃史臣優







寒英 蘇州府志徐源字仲山居長洲外郎武化  
 選郎 中出為廣東參政遷浙江右布政王湖廣左  
 布政 王瞻坡仁宗第二子就藩鳳翔詔遷懷慶子鄭  
 靖王 簡王祁鏐宏治八年薨世子見滋先卒子康王  
 簡王 祐王嗣按諸王表祐二子宏治十年封未詳中  
 真邱 王見消簡庶十子宏治十年封未詳中  
 承所 封王為祐簡庶十子宏治十年封未詳中  
 吳愈 字惟謙成化乙未進士授南刑部東者舊傳  
 主事 久之遷郵中知叙二州府十五年擢河右  
 參政 明長洲人歷官右庶子按都陷投虎邱新  
 字九 一死坊字昭法沂長子南都即沂  
 塘橋 下死坊字昭法沂長子南都即沂  
 史諸 王表益王祐所憲宗庶六子宏治八年就  
 藩建 昌府按益王祐所憲宗庶六子宏治八年就

豫章夾日吟高風歲久蟠根造物功吾祖先朝豫州牧  
 早年納節東溪翁舅家仲珪檀畫竹歸老山莊看亦足

至今遺墨滿縹緗挂我青溪草堂曲 夏文彥圖繪寶鑑  
 花道人嘉興魏塘鎮人山水師巨然博學多聞渺功名  
 薄富貴墨汁淋漓無一點朝市氣宗史文苑傳李公麟  
 字伯時第進士肆意龍眠歸老 此圖念出同年生當時  
 山岩壑間善畫自作山莊圖 此圖念出同年生當時

意氣稱徐卿非買玉環思適鄭暫持翠節解司兵吾祖  
 一麾方出守不獲諸公同載酒把臂曾看韋曲花贈行  
 不及漳河柳誰人尺幅寫簷簷影入清郎四牡袞千里  
 故園存苦節百年舊澤養新篁今皇命使臨江右絳旂  
 人識中丞後江左龍孫篠蕩長淇園鳳質琅玕瘦嶰谷  
 千尋鸞鳥呼彭城一派雨風多 叶願將十丈鵝溪絹再  
 作青青玉筍圖



翠節杜詩幾時清郎北史袁聿修傳尚書邢邵每  
蘇子瞻文與可畫竹記與城可往求之書尾復寫  
城大夫吾畫竹一派近在彭城可往求之書尾復寫  
一詩畧曰擬將一匹鷺玉筍唐書李宗閱傳宗閱典  
溪絹掃取寒梢萬尺長玉筍貢舉所取多知名士世  
謂之五筍

過魚山曹植墓魏志陳思王植傳初植登魚山臨

阿一統志曹植墓在泰安府東

小穀城西子建祠魚山刻石省躬詩君家兄弟空搖落

惆悵秋墳采豆枝

小穀春秋莊三十三年城小穀後漢

鄴臺坐法公車令苗郡憂讒謂者書天使武皇全愛子

黃初先已屬蒼舒

坐法魏志植傳建安十六年封平原侯十九年徙封

大怒公車謂者書國監國謂者灌均希植與諸侯並就

悖慢劫脅使者蒼舒亦歿魏畧文帝常言若使蒼舒

有司請治罪

夜宿阜昌

縣曰阜昌郡而一統志又云阜昌城阜城縣東

我來古昌國望古思樂生總將六諸侯撫劍東專征下

齊功不細奔趙事無成草沒黃金臺猶憶昭王迎涕泣

辭伐燕氣誼良非輕此真天下士豈獨因知兵忠心激



舊將誓死存聊城惜哉魯仲連排難徒高名勸使東游  
齊母乃傷縱橫

黃金臺上谷郡圖經黃金臺在易水東南十八里

讀端清鄭世子傳明史諸王世表端清世子載堉

子萬曆三十三年讓爵載堉詔載堉及子翊錫

准以世子孫祿終身其子孫仍封東垣王以

昭代無遺憾萬事光史冊惜哉金川門神聖有慚德天

誘其子孫救之以讓國賢如鄭世子宗門堪表率明史

紀建文四年六月乙丑燕兵犯金川門都城陷又諸王

傳鄭靖王瞻堉仁宗第二子子簡王初錕嗣初錕有子

十人世子見堉次孟津王見蕙次東垣王見湏見蕙母

有寵於祁錕規奪嫡不得竊世子金冊以去祁錕索之

急因怨不朝所為益不法祁錕言之憲宗草為庶人復

見滋子康王祐祐於嗣費又無子見蕙子祐榑應及以前

罪廢乃立東垣王子祐擇厚堉四十罪以叛逆告詔駙

馬中官即訊還報反無驗削爵錮之鳳陽隆慶元年復

王爵世子載堉堉學有至性痛父非罪見繫築土室宮

門外席藁獨處者十九年厚堉還邸始入宮萬曆十九

年厚堉費載堉曰鄭宗之叙盟津為長前王見蕙既錫

謚復爵矣爵宜歸盟津後累疏懇辭禮臣言載堉堉雖深

執讓節然嗣鄭王己三世無中更理宜以載堉堉子翊錫

以枯槁之孫載堉初乃當璧辭真王累疏誠懇惻天子詔

復字晚補

宮躬迓新王入夷齊既死後曠代仍間出築屋蘇門山  
深心事經術明興二百年廟樂猶得失以之輯羣書十  
載成卷帙候氣推黃鍾攷風定六律解谷當南山伐竹



製琴瑟為圖獻太常作之文世室遂使溱洧間一洗萬

古習明史樂志神宗時載增著律呂精義律我行漳河

南封州王注懷古思遺澤好學漢東平高風吳泰伯道傍

立豐碑讓爵存月日彼為一卷書能輕萬家邑大雅欽

遺風誠哉不可及

單懷宮一統志懷慶府禹蘇門山一統志蘇門山在

里七

雒陽行咏福藩也明史神宗第二

詔書早洗雒陽塵叔父如王有幾人明史諸王傳崇禎

禮廷尊先帝玉符分愛子西京銅狄泣王孫白頭宮監鋤

荆棘曾在華清內承直遭亂城頭烏夜啼四十年来事

堪憶綏寇紀畧賊陷洛陽有老宮人及見定陵言孝恪

以子專寵擅天下耶神皇倚瑟楚歌時百子池邊弱柳絲

早見鴻飛四海翼可憐花發萬年枝綏寇紀畧鄭妃最

良氏上者即缺望雖至尊亦兩難之仗廷諍力稍自強元

銅扉未啓牽衣諫銀箭初殘淚如霰幾年不省公車章

後來數罷昭陽宴骨肉終全異母恩功名徒付上書人

貴疆無取諸侯相調護何關老大臣諸王傳帝久不立

謀立己子交章言其事竄謫相踵而言者不止帝深厭

苦之二十九年立光宗為太子而封常洵福王婚費至

請王之藩者數十百奏不報至四十二年始就藩萬歲



千秋相訣絕青雀投懷玉魚別昭邱烟草自蒼茫湯殿

香泉暗嗚咽綏冠紀畧福王辭之國出宮門召還數四

為念。按公詩凡咏神宗事所稱昭陵為穆宗而神宗自

詩非昌平山水記之昭陵也明昭陵為穆宗而神宗自

陵葬定析圭分土上東門寶轂雕輪九陌塵驪山西去辭

溫室渭水東流別任城少室峯頭寫桐漆靈光殿就張

琴瑟願王保此黃髮期誰料遭逢黑山賊本傳崇禎十

圍河南攻二十日王出千金募死士緹城出用矛以入

賊營昏時漸退夜半總兵王紹禹親軍反從城上呼賊

殺守堞者燒城樓賊入踞王宮釀飲荐王於俎為其嗟

血襟鹿醢飲之謂之曰福祿酒飯世子由松走免其嗟

乎龍種誠足憐母愛子抱非徒然江夏漫裁修柏賦東

阿徒詠豆萁篇我朝家法踰前制兩宮父子無遺議廷

論繇來責任夫國恩自是優如意綏冠紀畧瑞王年二

相亞無選擇命而福邸信使通籍中左門一月數請朝

上夕報可四方奸人亡命之徒探風旨走利如驚閔不

畏死張差龐保劉成之變緣是而生然兩宮慈孝無間

王亦專奉己無所睥睨迄於三朝繼統骨肉晏如原本

神宗家法之善而光廟萬家湯沐啓周京千騎旌旗給

因心篤愛為卓絕已朝憐白象豈知今日誤黃巾鄒枚客館傷狐兔燕趙歌

樓散烟霧茂林西築望思臺月落青楓不知路此茂陵

太子傳稱漢武非昌平山水今皇興念總帷哀流涕黃

記之茂陵也明茂陵墓憲宗封手自裁殿內遂停三部伎宮中為設八闕齋束薪流

水玉人成太牢加璧通侯祭綏冠紀畧河南臨上震悼



皇祖愛子遭家不造遺於閔山其以特牛一告慰定陵  
特羊一告於皇貴妃園寢於河南有司改殯王具弔祔世  
子在懷慶授館餽養備凶荒之禮焉上發御前銀帝子  
一萬西著王裕民冉興讓葉高栗標齋往慰卹銀帝子  
鬼歸南浦雲玉妃淚灑東平樹訪求福王妃尚在相見  
不復識惟北風吹雨故宮寒重見新王受詔還唯有千  
抱持哭照人落落嵩高山諸王傳十六年秋七月由  
尋舊松栝照人落落嵩高山諸王傳十六年秋七月由  
寶玉帶

神皇明史神宗紀諱翊鈞倚瑟西京雜記高帝威夫  
擁夫弦倚百子池在宮內雜記七月七日侍兒賈佩蘭說  
瑟而弦歌以五色貴彊間曰張蒼所傳趙克侍高祖請  
闐樂畢相憐愛彊間曰張蒼所傳趙克侍高祖請  
縷相羈謂相憐愛彊間曰張蒼所傳趙克侍高祖請  
王年少而威夫與呂后相青雀通鑑唐太宗十  
耶陛下獨宜為趙王置貴彊相青雀通鑑唐太宗十

曰昨青雀投我懷云臣今魏王泰小字上東門阮詩  
下子朕甚憐之集覽青雀魏王泰小字上東門阮詩  
注洛陽任城魏畧任城威比瑞王常浩等也燕常山  
東門志嵩山在開封府登封黑山三國志張羣盜  
一統志曰嵩山在開封府登封黑山三國志張羣盜  
縣北亦曰太室其西有少室黑山真定人也為羣盜  
象至百萬號脩柏賦南史齊高帝諸不樂著修柏賦  
曰黑山賊脩柏賦南史齊高帝諸不樂著修柏賦  
以見佞夫左傳襄立三十年靈王崩白象南史齊高帝  
志以法豫章王欽象曰晁罪誠不足宥陸三部伎唐書  
糾以法豫章王欽象曰晁罪誠不足宥陸三部伎唐書  
下當憶先朝念白象晁罪誠不足宥陸三部伎唐書  
志大樂署大少部伎三年而成次部八關齋八月時記  
伎二年而大成小部伎一年而成次部八關齋八月時記  
氏下生之日迦不食為體以信捨之家建八關齋八月時記  
婆娑論以過中迦不食為體以信捨之家建八關齋八月時記  
持名八關齋東平樹漢書宣王師古曰東平思生東  
亦名八關齋東平樹漢書宣王師古曰東平思生東  
在無鹽人傳上松在柏皆西靡  
師後葬其冢上松在柏皆西靡



悲滕城崇禎四年河決金龍口滕縣沉

悲滕城人牧羊川之潰雨工矯步趨其羣河魚大上

從風雲王得知高源之有漲曰麥芒水注曰蛆浮出漁人

六斤未幾決荆隆口漂沒萬家按此云荆龍史作金

龍去山一尺雷殷殷寺前鐵鐸多死聲日暮雞犬慘不

原本聲作音鳴城上掌事報二更鬼馬踏霧東南行鼓聲隆隆非甲

兵吁嗟龍伯何不仁大水湯湯滔吾民城中竿瑟不復

陳縞帶之價高錦純路骨藉藉無主名葬者死生俱未

明悲滕城滕城訛言晝夜驚百尺危巖浮車輪海民投

網獲斧鐺巫兒赤章賽水神溝人匠氏修防門

原本釜

牧羊異聞集柳毅見婦人牧羊於道畔曰非有河魚

史記秦始皇紀鬼馬杜詩鬼妻主名殺人投屍井中

者吏以其無巫兒漢書地理志齊地長女不屍井中

汴梁二首再明史諸王傳崇禎十四年四月賊自成

賊決河灌城露樓雨中數日援軍駐河北以舟

來迎彰德免

馮夷擊鼓走夷門銅馬西來風雨昏此地信陵曾養士

只今誰解救王孫

城上黃河屈注來千金堤帚一齊開梁園遺跡銷沉盡

誰與君王避吹臺明史城之陷也死者數十萬諸宗皆

卷一

十三



乃從水中得所奉高帝高后金容迎至彰德  
奉馬久之王薨贈謚未行國亡其孫南走死廣州

堤帚為枋柳實其中和土以捍水

題登封兩節婦并梧遺恨詩元注焦太僕孫婦楊

楊氏者焦君陽長之婦周藩儀賓四聰公女也  
登封園急約如牛氏同死指梧下井曰此吾兩  
人畢命處也卒俱死河南北府志焦子春登封人  
嘉靖乙丑進士歷太僕少卿又孝義志楊氏生  
員焦復身妻牛氏生員焦  
謙亨妻同日死烈梧井

少室山頭二女峯斷猿哀雁暮雲重早題蘇石留貞史

却寫椒漿事禮宗恨五千年埋慘澹寒泉三尺照從容

碧梧夜落秋階冷環珮歸來聽曉鐘

瑜芬有侍兒明慧從江上歸則言去矣張如哉曰萬壽棋字

棋

年少有贈卡芳詩未審  
即瑜芬否抑姊妹行否

江上送君別餘情感侍兒對人先母意生小就儂嬉恃

穉偏頻進含嬌託未知今來羅帳底誰解笑微窺

兔缺中華古今注

舌在音何謔唇亡口半吐病同師伯齧方問仲堪醫露

涿從人誚銜碑欲語遲納言親切地補缺是良規

讓字典口吐莊子公孫龍口吐而師伯傳孝武狎侮  
羣臣各有稱目顏師伯缺齒號仲堪檀道鸞續晉陽  
之曰齧字典齧音獻露齒也

兔缺相者云後當貴聞荆州殷仲堪帳下有術人能  
治之因西上仲堪與語令師相馬師曰可割補之

露涿令蜀志周羣傳張裕曰昔有作上黨路長遷為涿  
署涿署涿署涿署



涿則失涿乃  
署曰涿涿君

織女

軋：鳴梭急盈、涕淚微懸知新樣錦不理舊殘機天  
漢期還待河梁事已非玉箱今夜滿我獨賦無衣

雁門尚書行雁門太守題擬

雁門尚書行為大司馬白谷孫公作也公代州  
人地故雁門郡長身伉爽才武絕人其用秦兵  
也將憑巖關為持久且固將吏心秦士大夫弗  
善也累檄趣之戰不得已始出天淫雨糗糧不  
繼師大潰潼關陷獨身橫刀衝賊陣以沒從騎

俱散不能得其屍公之出也自念必死顧語張  
夫人夫人曰丈夫報國耳無憂我西安破率二  
女六妾沉於井揮其八歲兒以去兒踰垣避賊  
墮民舍中有老翁者善衣食之二年公長子世  
瑞重趼入秦得夫人屍貌如生老翁歸以弟相  
扶還見者泣下蓋公素有德秦人云余門人馮  
君訥生名雲驥順治  
乙未進士公同里人作潼關行紀其  
事余曾識公於朝因感賦此什公死而天下事  
以去然其敗由趣戰且大雨糧絕此固天意抑  
本廟謨未可專以責公也公之叅佐惟監軍道



喬公以明經奏用能不負公潼關之破同日死  
名元柱定襄人

原本盼

原本叱

雁門尚書受專征登壇顧盼三軍驚身長八尺左右射  
坐上咄叱風雲生家居絕塞愛死士一日費盡千黃金  
讀書致身取將相關西鼠子方縱橫明史孫傳庭傳字  
人萬歷四十七年進士崇禎十五年正月起傳庭兵部  
右侍郎賊殺陝督汪喬年帝即命傳庭往代計守潼關  
拒京師上游長安城頭揮羽扇卧甲韜弓不忘戰持重能收  
壯士心沉幾好待兇徒變綏寇紀畧傳庭至關中招邊  
之制為火車齎衣糧穀弓弩奏用降將白廣恩為火車  
摠兵高杰副之然苦不欲速戰常呼其叅軍喬元柱曰  
我軍初集遲久嫻習庶可用王龍入關傳庭問以賊事  
曰襄陽野如赭賊百萬何以供後必大飢因其飢而攻

原本誰由

之可不勞忽傳使者上都來夜半星馳馬流汗覆轍寧  
而之也堪似往年催軍還用松山箭右為捐畧會閩中荒責豪  
朝曰督師玩寇糜餉上書迎上意催戰且傳危語恫唱  
之曰不出關收者至矣傳庭頓足嘆曰我固知戰未必  
捷然僥倖有萬一功丈夫安能復對獄吏乎乃上書尚  
書得詔初沉吟蹶起橫刀忽長嘆我今不死非英雄古  
來得失由誰算推牛警眾出潼關墟落蕭條轉餉難六  
月爰蒸驅萬馬二嶠風雨斷千山雄心慷慨宵飛檄殺  
氣憑陵老據鞍掃箠謀成頻撫劍量沙力盡為傳冷綏  
紀畧九月初八日師次汝州之長阜鎮偽都尉李養純  
迎降初十日次寶豐賊已改為州留攻之自成以精騎  
來援為廣恩所卻是夜克之誅偽官十四日次邠縣  
前鋒陷陣擒偽將軍謝君友斫賊坐纛旗尾自成獲

卷一

十五



原本人作能

捕得逃賊王定稱十二日夜我別帥破唐縣輜重俱盡  
細口被殺一營被殺軍聲大振會大雨餉斷道寧數  
尺糧車日行三十里破邦縣就食邦窮邑也得馬尚書  
贏數百頭割取立畫後軍譟不己還師迎糧馬尚書  
戰敗追兵急退守巖關收潰卒後冠紀畧賊追戰于南  
處外步卒次之馬兵過三重遇驍騎而死門壯士推火車  
我師已破其馬兵過三重遇驍騎而死門壯士推火車  
奔未習戰陣見馬兵過三重遇驍騎而死門壯士推火車  
四百里塞道馬絀不得出賊鐵騎凌而騰之一日夜踰  
萬兵殲馬五此地乘高足萬全只今天險嗟何及蟻聚  
蜂屯已入城持矛瞋目呼狂賊戰馬嘶鳴失主歸橫尸  
撐距無人識山西通志傳庭與傑以數千人走河北從  
曰賊一入關則全秦靡沸秦人尚為我用乎不納十月  
六日自成攻關遂陷傳庭登陴固守賊分兵從南山遠出其  
背夾攻閔城遂陷傳庭奮躍馬烏鳶啄肉北風寒寡鵠  
揮刀大呼衝入賊陣戰死

原本照作浸

孤鸞不忍看願逐相公忠義死一門恨血土花斑故園  
有子音書絕句注烽烟路百盤欲走雲中穿紫塞別尋  
竒道訪長安長安到日添悲哽爾足荆榛見智井轆轤  
繩斷野苔生幾尺枯泉照形影永夜曾歸風露清經秋  
不化冰霜冷二女何年駕碧鸞七姬無塚埋紅粉複壁  
歲兒定有無破巢窮鳥問將誰時來作使千兵勢運去  
流離六尺孤傍人指點牽衣袂相看一慟真吾弟訣絕  
難為老母心護持始識遺民意回首潼關廢壘高知公  
於此葬蓬蒿沙沈白骨魂應在雨洗金瘡恨未消渭水  
無情自東去殘鴉落日藍田樹青史誰人哭蘇碑赤眉



原亦有作說尚書養士三十載一時同死何無人至今惟有喬參軍

銅馬知何處嗚呼材官鐵騎看如雲不降即走徒紛

山西通志喬遷高定襄人由拔貢生授直隸永平府通判遷陝西鞏昌府同知本府知府按察司副使監孫傳庭軍事關城破挺劍卷戰大聲呼曰我監軍副使喬某也手刃數人知不支遂伏劍死按參軍名互異

鼠子三國志董卓傳注松山箭州被圍久總督洪

承疇集兵數萬援之帝召新甲請分道夾攻承疇

以兵分力弱意主持軍稍有待帝以為然而新甲執前

議若驕素狂躁見諸軍將激謂團可立解密奏

遂不聞新甲復遺書驕益趣諸將進兵以言又奉密教

師大潰士卒掃箠遺書載記符堅曰鼓行而量沙南

檀道濟傳夜唱籌一戰馬嘶鳴忠史謝枋得傳張孝

枋得坐敵樓見之勾注在西北日涇亦曰雁門山七

曰馬歸孝忠死矣勾注在西北日涇亦曰雁門山七

金瘡主草王不程氏瞿氏徐氏羅氏卞氏彭氏段氏

送黃子羽之任四首原注子羽能詩以徵辟為新

黃翼以聖字子羽節廉著稱家國才華風采照耀于

昆季羽雖貴都扞難者事以廣辦聞陞知安吉

辟宰蜀之新都難者事以廣辦聞陞知安吉

州簿書課訴干戈戎馬之間詩多激昂清薄如

棄官歸里杜門謝客修香光之業詩益清新如

而公絃哀玉自警雜有天韻其運蕊居孟夏懷後新

卷一

十七



襄陽

峰

始見征途亂十年憂此方君還思聖主何意策賢良楚蜀蜂烟接江山指顧長祇今龐德祖不復卧襄陽

策賢良

明史選舉志事在崇禎九年

巫峽

高深積氣浮水石怒相求勝絕頻宜顧奇情不易留蒼涼難久立浩蕩復誰收詩思江天好春雲滿益州

成都

魚鳧開國險花月錦城香巨石當門觀奇書刻渺茫江流人事勝臺榭霸圖荒萬里滄浪客題詩問草堂

萬里

杜詩萬里橋西一草堂百花潭水即滄浪

新都

丞相新都後如今復幾人先皇重元老大禮自尊親

楊廷和傳正德十四年帝既南巡兩更歲朔廷和以靜鎮持重為中外所推服帝崩無嗣定策迎興世子又草遺詔悉改廷和草登極詔中外大悅又計誅江彬興世子即帝位廷和草登極詔中外大悅又計誅江彬興帝嘗忽及議大禮卒以後封還御批者四年執奏幾三十疏贊曰自時厥後政府日以疏語露不平三年正月聽之去

條古前賢風尚醇似君真茂宰白石水潏

送志衍入蜀

志衍名繼善號匡威崇禎丁丑進士選慈谿縣知縣丁母夫人艱不赴後

乃得蜀之成

都事詳後詩



當日足昔

去年秋山好君走燕雲道今年春山青君去錦官城秋  
山春山何處可為別把酒欲問橫塘月人影將分花影  
稀鐘聲初動簫聲咽我音讀書君南樓夜寒擁被譚九  
州動足下牀有萬里駕馬伏櫪非吾儔當時東國賤男  
子傲岍平生已如此今朝乘傳下西州賓戶巴人負弓  
矢黃牛喘怒溪銀濤崩剝蒼崖化迹勞石斷忽穿風雨  
過山深日見魚龍高江頭老槎偃千尺接手猿猴擲椽  
栗雲移斷壁層波見月上危灘遠峯出緲縹樓臺白帝  
城月明吹角唱花卿棧連子午愁烽堠水落東南洗甲  
兵摩訶池上清明火蹲鴟山下巴渝舞豈有居人浣百

花依然風俗輸銅鼓有日登臨感客游楚天飛夢入江  
樓五湖歸思蒼波闊十月懷人木末愁石末亭在金陵  
南京國子監司別時曾折閭門柳相思應寄郢筒酒未  
業故曰木末愁  
下鹽鼓誰共嘗蜀中葑醬君知否愧予王粲老江潭愁

絕空山響杜鵑乞我瀼西園數畝依君好種灌溪田

動足下牀南史垣榮祖傳公今動足賤男子南史臣

東國賤人又直是唱花卿管子美贈花卿詩錦城絲

陳國祗應天上有人間能得幾回聞揚州唐曲水

雲錦曲祗應天上有人間能得幾回聞揚州唐曲水

調歌後六疊入破第二即係此摩訶池一統志摩訶

詩故曰月明吹角葑醬葑醬葑葑也瀼西南杜有將別巫峽贈



四詩灌溪一統志灌園在成都西北一百

臨江參軍行楊廷麟臨江清江人字伯祥別字機

盧公死益無聊生已而過宜興訪盧公子孫再

放舟婁中與天如師及余會飲十日嘉定程孟

陽為畫驛參軍圖錢虞山作短歌余得臨江參

軍一章余與機部相知窳深于其為參軍周旋

丙戌十月論其事窳當按機部甲申起兵守贛州

旋京司業

旋里時

臨江驛參軍負性何貞栗上書請賜對高語爭得失左  
右為流汗天子知質直公卿有闕遺廣坐憂指摘鷹隼  
伏指爪其氣嘗突兀同舍展歡謔失語輒面斥萬仞削  
蒼崖飛鳥不得立予與交十年弱節資扶植忠孝固平

生吾徒在真實去年羽書來中樞失籌策桓、尚書公

提兵戰疾力將相有纖介中外為危慄明史盧象昇傳

兵入墻子崩殺總督吳阿衡毀正關至營城石匣駐于

牛蘭召宣大山山西三總兵楊國柱王朴虎大威入衛三

賜象昇上方劍督天下兵楊嗣昌高起潛主和議象昇

聞之頓足歎帝召問方畧象昇對曰臣主戰帝色變良

久曰撫乃外庭議耳其出與嗣昌起潛議三帥屬象昇閱

嗣昌起潛疏請分兵則議宣大山山西三帥屬象昇閱

督天下兵實不及二萬君拜極言疏夜半片紙出贊畫

樞曹郎遷官得左秩天子欲用人何必歷顯職所恨持

祿流垂頭氣默塞主上憂山東無能恃緩急明史本傳

京師戒嚴廷麟上疏劾兵部尚書楊嗣昌言大臣以國  
為戲嗣昌與起潛方一藻倡和款議武備頓忘督臣盧  
象昇以禍國責樞臣言之痛心夫南仲在內李綱無功  
潛善秉成宗澤隕命乞陛下赫然一怒明正向者主和



之罪俾將士畏法無有二心嗣昌大憲詭薦投身感至  
廷麟知兵改兵部職方主事贊畫象昇軍性不敢量臣力話原無此十字受詞長安門走馬桑乾  
側但見塵滅沒不知風慘慄四野多悲笳十日無消息  
蒼頭草中來整暇見紙墨唯說尚書賢與語材挺持次  
見諸大帥驕懦固無匹逗撓失事機倏忽不相及變計  
趣之去直云戰不得成敗不可知死生予所執象昇傳  
瞽而賣卜者周元忠善遠人時遣之為媾會嗣昌至軍  
象昇責數之又數日會起潛安定門兩人各持一議陳  
新甲亦至昌平象昇分兵與之自將馬步軍列營都城  
之外衝鋒陷陣軍律甚整大清兵南下三路出師一  
由涑水攻易一由新城攻雄一由定興攻安肅象昇  
遂由涿進據保定命諸將分道出擊大戰于慶都予  
時讀其書對案不能食一朝敗問至南望為於邑忽得

別地書慰藉告親識云與副都護會師有月日顧恨不

同死痛憤填胸臆詩話盧自謂必死願參軍書生徒共

郎傳庭軍前六日而盧公於賈莊殉難明史本傳象昇

戰死嗣昌意廷麟亦死及聞其奉使在外則為不懌者

久先是在軍中我師已孔亟剽畧斬亂兵掩面對之泣

我法為三軍汝實飢寒極諸營勢潰亡羣公意敦迫公

獨顧而笑我死則塞責老母隔山川無由寄悽惻作書

與兒子勿復收吾骨得歸或相見且復慰家室別我顧

無言但云到順德犄角竟無人親軍惟數百象昇傳楊

嗣昌怒奪象昇尚書巡撫張其平閉闈絕餉俄又以雲

晉警趣出閩王朴竟引兵去象昇提殘卒次宿南宮野  
外畿南三郡父老聞之咸叩軍門泣請移軍廣順無隻  
臂之援立而就死象昇流涕謝以事從中制食盡力窮



矢

旦夕死矣無徒累尔父老為象蹄泣各攜斗粟餉軍十  
 二月十一日進師至鉅鹿賈莊起潛擁閔寧兵在雞澤  
 距賈莊五十里而近象昇遣廷麟往乞援不應按順  
 德至鉅鹿一百一十里雞澤縣在廣平北七十里是  
 夜所乘馬嘶鳴氣蕭瑟椎鼓聲哀拔刀芒認公知  
 為我故悲歌壯心溢當為諸將軍揮戈誓深入日暮箭  
 鏃盡左右刀鋌集帳下勸之走叱謂吾死國官能制萬  
 里年不及四十象昇傳師至萬水橋遇大清兵象昇  
將中軍大威帥左國柱帥右遂戰夜半  
藏粟聲四起旦日騎數萬環之三西象昇麾兵疾戰呼  
聲動天自辰迄未礮盡矢窮奮身門後騎皆進手擊殺  
數十人身上背負二十四刃遂仆掌收揚陸凱懼眾之殘其  
屍而伏其上負二十四刃以死一軍盡覆大威國柱  
潰圍詔下詰死狀疏成紙為濕引義太激昂見者憂讒  
 疾公既先我亡投跡復奚恤大節苟弗明後世謂吾筆

負

詩話詔詰督師死狀賈莊前數日督師聞起潛兵在近  
 約之合軍竟援營夜遁用無援故敗機部受詔直以實  
 對慈谿馮鄴仙得其書謂余曰此疏入機部死矣為定  
 數語機部聞之則大恨先是嗣昌遣役張姓者值賈莊  
 其人談羅公死狀流涕動色嗣昌榜之楚毒備至口無  
 改辭遂以考死于是機部貽書馮與余曰高監一段竟  
 為刪却後世謂伯祥不及一部耶然機部亦竟以是  
 得免按此部役史名俞振龍陳鼎東林列傳俞業販貂  
 鼠人呼俞此意通鬼神至尊從薄謫生還就畊釣志願  
 貂鼠馬平本傳廷麟報軍中曲折嗣昌擬旨責以欺妄事  
 自此畢平賤秩調外黃道周獄起詞連廷麟當逮未至  
 道周已釋後起匡盧何巖業大江流不測君看磊落士  
 義贛州城破死匡盧何巖業大江流不測君看磊落士  
 艱難到蓬葦猶見叅軍船再訪征東宅風雨懷友生江  
 山為社稷生死無媿詞大義矧顏色

疾力史記灌嬰持祿天下畏罪持祿投身後漢書朱  
 傳戰疾力持祿天下畏罪持祿投身後漢書朱



豫子之投身之投跡者楊雄解嘲欲行吾筆宋史程琳傳

采石磯明史地理志太平府當塗城北

石壁千尋險江流一矢爭曾聞飛將上落日弔開平史

常遇春傳兵薄牛渚磯元兵陳磯上舟距岫且三文餘莫能登遇春飛舸上太祖麾之前應聲奮戈直前敵接其乘勢躍而上大呼跳盪元軍披靡諸將乘之遂拔采石進取太平追封開平王

戲贈

窄袖輕衫便洞房何綏新作婦人裝繡囊蕊結同心扣

十里風來袴褶香

婦人裝晉書何遵傳子綏字伯蔚宗書五行傳何晏之用

梅根治後一庭幽桃葉歌中兩槩留管是夜深嬌不起

隔簾小婢喚梳頭程穆衡據梧齋塵談新唐書地理志

通鑑注今之梅根治是也以有鑄錢監故亦謂之錢溪

香銷寶鴨月如霜欲罷擗蒲故拙行倦倚局邊伴數子

暗擡星眼擲兒郎

數子按王仲初宮詞各把沉香雙陸子局中門

仙家五老話驂鸞素女圖經掌上看如共王喬舊相識

鍊方從乞息肌丸

素女王充論衡素女為黃帝陳五女之法息肌丸燕

外傳江都易王故姬李陽華常教后九迴沉水







憶歡教儂書少小推無力別郎欲郎憐修牋自雕飾  
夜涼入空房侍婢待除衰枕前鈎不下知未解衣裳

子夜歌

歡是南山雲半作北山雨不比薰爐香纏絲入懷裏  
夜：枕手眠笑脫黃金釧傾身畏君輕背轉流光面  
故使歡見儂：道不相識曾記馬上郎挾彈門前立  
微笑佯牽伴低頭誤弄絃衆中誰賣眼又說是相憐  
雙纏五色縷與歡相憐愛尚有宛轉絲織成合歡帶  
淺碧魚文縷輕紅杏子花比來粧束素加上木蘭紗

木蘭紗

拾遺記漢成帝起宵游宮班婕妤以下咸帶元授簪佩雜以錦繡更以木蘭紗罩之

儂如機上花春風吹不得剪刀太無賴斷我機中織  
紅羅複斗帳四角垂明珠明珠勝明月：落君躊躕  
指冷玉簫寒袖長羅袂濕此夜坐匡牀春風無氣力  
夜色吹衣袂新聲出絳紗相逢更相認銀燭上鉛華  
舞罷私自憐腰肢日嬾：總角諸少年虧他只言好  
玉枕湘文簟金爐鳳腦烟君來只病酒孤負解香釧  
出門風露寒歡言此路去妾夢亦隨君與歡添半臂

子夜歌

原注代友人答閩妓。篇咏六物咸閩產指物度詞體本如是

白玉絳羅圍枝頭荔子垂待儂親用手緩：褪紅衣  
郎來索糖霜莫持與郎喫郎要口頭甜不如是嘗蜜



榕樹參天長郎棲在何處隨郎不見榕累儂望鄉樹

綠葉吐紅苗紗窗月影高侍郎不至落得美人蕉

佛手慈悲樹相牽話生死為郎數還期就中屈雙指

橄欖兩頭纖終難一箇圓縱教皮肉盡腸肚自然堅

松化石原注金陵任受白所藏。蘇頌本草固經云松久化為石人多取傍山亭及琢為枕程穆衡箕城雜綴蕭子顯南齊書永明六年石列

柏木長二尺四寸廣四寸半化為石夫史列之五行木失其性而今人以為几案間物

高士無凡好常思買一峰如何三徑石却本六朝松老

筆應難畫名山不易逢穀城相遇處肯復受秦封

六朝松王貽上六朝松石記金陵園林亭榭相望也六朝園最古在瓦官寺東北其得名以松石

贈妓圓郎俞無殊香齋社集分咏諸姬詩瓜時初

鸚武喚曉糴難竟畫船邀清歌艸燼烟散艷影愁隨蠟淚消一笑尊前似曾識朝來莫共楚雲飄自注郎元按郎元錫錢星客復修之珠簾注吳姬舊有甲乙譜無錫錢星客復修之珠簾畫舫粉香戴道一時諸名士各賦詩題贈名香齋社集則此詩亦是也

輕靴窄袖柘枝衰舞罷斜身倚玉林認得是儂偏問姓

笑儂花底喚諸郎

烏栖曲

沉香為笮錦為牽白玉池塘翡翠船芙蓉翻水鴛央宿

盧郎今夜船中宿

偶成



關河蕭索暮雲酣  
流落鄉心太不堪  
書劍尚存君且住  
世間何物是江南

永和宮詞 咏田貴妃按楊士聰玉堂薈記田貴妃居承乾宮素貴妃居翊坤宮則永和

夢餘錄東二長街之東曰永和宮故題云孫承澤春明

揚州明月杜陵花  
夾道香塵迎麗華  
舊宅江都飛燕井

新侯關內武安家 明史后妃傳恭湫貴妃田氏陝西人後家揚州父宏過以女貴官左都督

雅步纖腰初召入  
鈿合金釵定情日  
豐容盛鬋固無雙

蹴鞠彈碁復第一  
上林花鳥寫生綃  
禁本鍾王點素毫

楊柳風微春試馬  
梧桐露冷暮吹簫 妃傳妃生而纖妍性寡言多才藝侍

帝于信邸崇禎元年封 君王宵旰無歡思  
宮門夜半傳

封事玉几金牀少晏眠  
陳娥衛艷誰頻侍  
貴妃明慧獨

承恩宜笑宜愁慰  
至尊皓齒不呈微  
索問蛾眉欲感又

溫存 妃傳宮中有夾道暑月駕幸御蓋行日中妃命作

以為知禮 本朝家法修清讌  
房帷久絕珍奇薦  
勅使

惟追陽羨茶內人數減  
昭陽膳后見帝容  
體日疾具饌

將進而瀛國夫人奏  
適至曰夜夢孝純  
太后歸語帝疾

而泣且曰為我語  
帝食毋過苦帝持  
奏入宮后適進饌

示后念再孝純且  
感后意因出奏維  
揚服製擅江南

史拾遺田妃善粧  
髮間宮衣用新飾  
變宮中儀法燕見  
却首

服別作副髮藏髮  
間宮衣用新飾變  
宮中儀法燕見却  
首

他色如小閣爐烟  
沉水含迴崇拾遺  
妃嘗厭宮闈過高

就廊房為什器  
沐簟供設其中  
私買瓊花新樣錦  
彤



李清三垣筆記  
田貴妃竄被寵  
幸周后頗不能  
容一日妃疏列后  
過帝曰妃可無  
禮于后耶命罰  
處其宮半年其  
實妃不能文帝  
故命為之以諷止  
后又量示罰處  
以存大體耳

三垣筆記戚晚  
田后遇所為不  
法人爭鼓訟御  
史臺以法繩之  
貴妃脫簪求解  
帝怒曰祖宗法  
不可私擯居別  
宮久之周后召  
至看花乃承  
恩如故

拾遺宮中凡令節宮人以插帶相餉偶貴妃宮婢戴新  
樣花他宮皆無有中宮之婢向上叩頭乞賜上使中官  
出採辦越數百里不能得上以問妃曰此象自修水  
生花出嘉興有吳吏部家人携來京而妄買之

難護大家比來歡笑同良娣奉使龍樓賈佩蘭往還偶  
失兩宮歡雖云樊嬖能辭令欲得昭儀喜怒難載顧景  
星廣陵遇田九詩自云貴妃異

自署充華進請罪長教聖主憐含辭欲得君王愠君王  
內顧恤傾城故劍還存敵體恩手詔玉人蒙詰問自來

階下拭啼痕后傳田貴妃有寵而驕后裁之以禮歲元  
日寒甚田妃來朝翟車至廡下后良久方

見御座受其拜田妃聞而大恨向帝泣尋以過帝命斥  
時田妃聞而大恨向帝泣尋以過帝命斥

進錢當筵便殺彈箏伎班姬才調左姬賢霍氏驕奢竇

氏專涕泣微聞椒殿詔笑譚豪奪灞陵田妃傳田宏遇  
好佚游為輕

宮車夢永巷傳聞去玩花景和門裏誰陪從春明夢餘  
錄坤寧東

不憚侍人愁后促黃門召共游初勸官家佯不應玉車

早到殿西頭妃傳妃斥居啟祥宮三月不召一日后侍  
帝於永和門看花請召妃帝不應后還令

弟初按詩題蓋取乎此兩王最小牽衣戲長者讀書少者  
二十間上十間為諸王館定王書堂在西第六間為



讀書處第五間懸先師畫像永王出閣聞道羣臣譽定

因移定王第四間而永王則在第六間陶獨將多病憐如意豈有神君語帳中漫云王母降離

宮巫陽莫救蒼舒恨金鎖彫殘玉筋紅明史薛國觀傳

不足國觀請借助言在外羣僚臣等任之在內威晚非獨斷

不可因以武清侯李國瑞為言帝勅借四十萬會皇五

子費孝定太后憑馬貴帝薄外家帝恐盡還所納而追

恨國觀後冠紀畧皇五子薨時慈聖太后憑而告者數

千九百言自稱九蓮菩薩趙吉士寄園所寄悼靈王病

篤九蓮菩薩示現空中數帝之罪帝大悔命建佛寺于

草橋之北額曰從此君王慘不樂叢臺置酒風蕭索已

九蓮慈蔭寺從此君王慘不樂叢臺置酒風蕭索已

報河南失數州况經少子傷零落亂後冠紀畧上感天下

老官人及見定陵問以宮中事為歎歎起嘗朝歲節畢

就便坐俄欠伸偃榻劉太妃命高衣謹覆之頃之上

難起攝衣冠謝曰神祖時海內少事至兒子苦技持多

此太妃為泣下上亦汎瀾者久之明史悼靈王名慈煥

五歲殤帝念王靈異封孺孝悼靈王元樸慈應真君

貴妃瘦損坐匡牀慵髻啼眉掩洞房萱菴湯温水簟冷

荔支漿熟玉魚涼病不禁秋淚沾臆裴回自絕君王膝

苔沒長門有夢歸花飛寒食應相憶妃傳妃謫別宮省

于別宮妃遂病十五年七月玉匣珠襦啓便房薤歌無

異葬同昌君王欲製哀蟬賦誅筆詞臣有謝莊妃傳妃

天壽山即思陵也朱彞尊日下舊聞思陵葬日仁和龔

光祿佳育流寓昌平嘗為余言妃壙始開入石門地甚

濕衣被等物多黥黑被止一面是錦繡餘皆以布長明

燈油僅二三寸缸底皆水其金銀器皆以鉛銅充之當

時中官破冒頭白宮娥暗嘔感庸知朝露非為福官草

良可恨也明年戰血腥當時莫向西陵哭窮泉相見痛倉黃還向



官家問永王明史諸王傳永王慈怡莊烈帝第四子崇禎十五年三月封永王賊陷京師不知所終

幸免玉環逢喪亂不須銅雀怨興亡自古豪華如轉轂

武安若在憂家族愛子雖添北渚愁外家已葬驪山足

言宏遇夜雨椒房陰火青杜鵑啼血濯龍門按宮殿額名永和宮

龍殿為興龍殿後有小院名漢家伏后知同恨止少當

年一貴人碧殿淒涼新木拱行人尚識昭儀塚麥飯冬

青問茂陵斜陽蔓草埋殘壠明史莊烈帝崩于萬歲山昌平人啓田貴妃墓以墓

妃之柳為帝柳昭邱松檟北風哀南內春深擁夜來

莫奏霓裳天寶曲景陽宮井落秋槐南結句謂

香塵拾遺記石季倫屑沉水之香如水遞田錄李德

裕取惠山泉自常州中宮儀稱皇后為中宮銀環詩

我彤管傳古者后妃羣妾以禮溫成宋史仁宗紀至

御于君所當御者以銀錄進之歐賈佩蘭西京雜

氏薨追冊為皇后賜諡曰處之裕如一統志

人侍兒樊嬖飛燕外傳其叢臺廣平郡郭縣城東北

按用慎夫人事玉魚涼天寶遺事貴妃至夏苦熱于

口津沃藉其自絕君王膝晉書楊皇后傳秦始十年

便房漢書霍光傳注便同昌蘇鶚同昌公公主傳咸通

甚自製挽歌令百官總濯龍門漢書明德馬皇后

和按咸通唐懿宗年魏文帝改

居者車夜來靈芸之名曰帝改

哭志衍



予始年十四與君早同學君獨許我文謂侔古人作長  
揖謝時輩自比管與樂彊記矜絕倫讀書取大畧家世

攻春秋訓詁苦穿鑿君撮諸家長弗受專門縛即子之  
太公亦未相然諾婁東耆舊傳吳鸞字應祥居菑涇正  
德辛未會試甲戌廷試授禮部精膳

司主事以疾乞改南陞主客司郎中致仕鸞幼從王  
倬受經抗師座與弟子剖析疑義成進士者六七輩高  
譚羣兒驚健筆小儒忤長途馭二龍崇霄翔一鶚遂使

天下士咸奉吾徒約詞場忝兩吳相與為犄角煌煌張

夫子斯文紹濂洛五經叩鐘鏞百家垂矩矱海內走其

門鞍馬填城郭復社紀畧始婁文卑靡張溥有意振起  
之聞周鍾倡教金沙一見歸盡棄所學

更尚經史為尹山大會臭味翕集時江北匡社中州端  
社松江幾社萊陽邑社浙東超社浙西莊社黃州貞社

與江南應社各分壇坫溥乃合諸社為一以士子不通  
徑術期共復學古學名曰復社哀其文曰國表壬申假歸

為席邱大會晉楚閩浙舟車至者日數千人雄寶殿  
不能容生公臺千人石鱗次布席往來絲織游人聚觀

嘆雲間數陳夏餘子多磊落反騷擬三湘作賦誇五柞

復社紀畧陳子龍為吳社首艾南英汪吳門約同參証與  
文體陳氣方威首與爭辯大意謂宋人不能超津筏而

上古文有左氏司馬氏不當舍遠而求近南英復書詰  
難夏允彝懼其傷雅手疏規之言不必外傳以滋物論

按餘子謂如徐方廣徐宇遠馬元君也游其間才大資  
調杜麟微顧南雍輩皆傑材也

磨斲詩篇口自哦書記手頻削冠蓋傾東南虛懷事酬

醉文集志衍傳海內能文家聞其風者靡然而至射策  
余以羸病不能數對客志行則使人自得也

長安城驄馬黃金絡年少交公卿才智森噴薄會值里  
中兒飛文肆謠詠要路示指蹤黨人罹矧繳君也念急



難疎通暗籌度陰落其機牙用意於莫覺遠巡白衣奏

停止黃門獄采叶。復社紀畧陸文聲字居實以事銜張

溫意中不知有采先是體仁欲罷行取啟上溫體仁所

青衣布袍齋居武英殿求直言令淮安衛三科武舉陳

啟新上書特旨擢列諫垣至是乃曰誰為張采今所急

者張溥耳能併彈治溥當授官如啓新矣文聲從之

下學臣倪元珙時社中人吳德善克孝夏允彝陳子龍皆

在京謂文聲必為浙人願指說之就選出諸外社局始

安乃釀以堅之得道州吏目以去元珙竟以徇隱降調

為盟約以堅之得道州吏目以去元珙竟以徇隱降調

繼之山東刊瑋：艱歸齊人張鳳翽代之延臨川羅萬

藻閱文學政悉入羅掌握溫無如之何明年溥卒溫亦

罷相事解褐未赴官歸來卧林壑賓客益輻輳聲華日

昭灼生徒丐譚論文史供揚確貧賤諸故人慰存餽衣

藥躡履脩起居小心見誠恪重氣徇長者往：捐囊橐

中表故舊及所游門下士一旦請緩急皆應之君家夙

貴盛朱門飾華栢壘石開櫺軒張燈透簾幕唱曲李延

年俳弄黃幡綽舞席間球場池館花漠：兄弟四五人

會讌騰觥爵鹽豉下魚羹椒蘭糝鳧臠每具十人饌中

厨炊香穉客從遠方來咄嗟辦脾臆昨宵已中酒命飲

仍大醉叶。婁東耆舊傳進士吳繼善國杰之祖曰雲

戊子吳中歲歟流亡載路雲翀捐困米八千石賑飢其

家業幾廢於行善文集志行好客日具數人饌賓至者

無貴賤必與均每三爵之後詞辯鋒起而我過其家性

雜以諧譁岸憤嘯咏酣歌絕叫以為常而我過其家性

不勝杯勺小戶不足糾引滿狂笑噓卷波唱遣輸射覆

猜須著狎侮座上人鬪捷貪諧謔警速誰能酬自喜看



跳躍堅坐聽其言乃獨無差錯親疎與良長幼語存斟  
酌性厭禮法儒拘忌何齷齪風儀甚壞偉衣冠偏落拓  
有時不簪巾散髮忘盥濯中夜鬪歌呼分曹縱捕博百  
萬一擲輸放意長自若絕叫忽成盧象手皆斂却男兒  
須作健清談兼馬稍犯雪披輕衫笑予爾何弱嘗登黃  
山巔飛步臨峭崿下有萬仞潭徒侶愁失脚搔首凌雲  
烟翹足傲衡霍文集游黃山凌躡險絕同游者不能從  
自負強濟曰丈夫習勞苦任艱難為國  
家驅馳有如顧予石城頭橫覽浮大白叶慷慨天下事  
此游也矣  
風塵慘河朔諸將擁重兵養寇飽鹵掠背後若有節此  
輩急斬斯自請五千騎一舉殲首惡餘黨皆吾人散使

歸畊獲即今朝政亂舉錯混淆濁君父切邊疆羣臣私  
帷幄當官不彈治何以司封駁對仗劾三公正色吐謇  
諤此志竟述遭天道何窮剥六載養邱園一官落印笮

大盜竊江黃兇徒塞荆鄂間道攜妻孥改途走蠻貉瘴

黑箐林行颶作瀘溪泊驛路出枕榔候吏疑猿獍文集

蜀之成都時荆襄陷沒江鄂道斷改歇鞍到平地倏逢

錦城樂問士先嚴楊恤民及程卓白鹽古戍烽赤脚嚴

關柝再拜蜀王書流涕傾葵藿請府發千金三軍賜酺

醪賓旅給犀渠叟兵配駟駟此地俯中原巨靈司鎖鑰

水櫃扼涪江石門防劍閣我謀遠不用岷峨氣蕭索東



者舊傳繼善上蜀王書曰全蜀之險在邊不在腹若設  
 重戍于夔閬劍閣誠足自固否則黃牛白帝亦屬夷庚  
 黑水一也往者蘭多歧徑乃欲坐守門庭謂為設險不可解  
 者一也往者蘭多歧徑乃欲坐守門庭謂為設險不可解  
 地利不習今者荆襄撤其藩籬秦隴寒其唇齒有虧  
 情益無瞻忌而欲援前事翼倖將來不可解者一也  
 至無虞彼何為而失守且城如孤注救先窮時及嚴  
 以長驅九易而王始終以黑山起張燕青城突莊躄積  
 奉祖制不敢恭兵食為詞黑山起張燕青城突莊躄積  
 甲峨眉平飲馬瞿塘涸生民為殖驚醜類恣啖嚼徒行  
 值席豹同事皆燕雀孤城遂推陷狂刃乃屠膊按寇紀  
 四日獻忠傳城下王始出其金懸之市購戰守者莫應  
 賊攻圍三日夜以巨礮穴城東北陬而震之城崩乘以  
 入王遇害三十六人有子踰十齡艱難孰顧托閣門竟同  
 殉覆卵無完殼將憐而區之浚亦遇害賊一弟漏刃歸

兩蹀見芒屨三峽奔荆門魚龍食魂魄叶夢斷落滄江

母乃遭搏攫耶筒千日酒泉路無寂寞婁東耆舊傳志

弟事行名述善者徒追計平生歡一猶如昨壁間所

懸琴臨行彈別鶴玉子文楸枰尚記爭殘著百架藏圖

書千金入卷握刻意工丹青雲山共緜邈篋中白團扇

玉墜魚澆澗阿兄風流盡萬事俱零落我欲收君骨茫

茫隔山嶽後來識死事良史曾誰確此詩傳巴中磨崖

書卓犖石剝蒼藤纏姓氏猶捫摸庶幾千載後悲風入

寥廓

太公陶宗儀輟耕錄今人謂曾祖父曰太公此蓋相



以謂來祖云父注太重氣張衡西京賦連羣死唱曲  
公謂有唱壇唱毬場唐人言卿史補憲州問趙相宗儒也中  
唱慢唱唱唱唱唱唱唱唱唱唱唱唱唱唱唱唱唱唱唱唱唱唱  
厨晉書陸納傳勅香積香積香積香積香積香積香積香積香積  
酌滿行杯延漏錄凡飲三謂善令知音大戶也遣輸  
人須擇有飲材者有飲三謂善令知音大戶也遣輸  
白居易詩鞍馬呼教住散盤唱拘忌後漢書方術多傳  
忌齷齪一邵長波卷白連擲采成盧拘忌後漢書方術多傳  
相如傳委篆中庚信詩鄙畧傳握握握握握握握握握握握握  
稍南柳一世清談第自云養寇者京陳過庭傳致寇  
白鹽一統志奉節縣東叟兵五千助之馬漢謂蜀為  
叟水櫃修水匱按一統志陝二櫃山在涪州北觀漏刃  
魏書刁雙傳我身漏刃相託兩踝兩骨見傳三峽程峽

魏書刁雙傳我身漏刃相託兩踝兩骨見傳三峽程峽  
已畫惟我一身漏刃相託兩踝兩骨見傳三峽程峽  
記云三峽即明月峽巫山峽廣澤數此云三峽有瞿塘灩澦山  
燕子屏風之類皆不在三峽數此云三峽有瞿塘灩澦山  
為第三峽而非指兼邨筒酒大成者傾春釀于邨人割竹之  
明月廣澤而言兼邨筒酒大成者傾春釀于邨人割竹之  
絲蔽以蕉葉馨香達于林下然後斷之  
獻俗號野筒酒杜詩酒憶邨筒不用沽以玉子雜編  
大楸中玉局本國王子來朝邨筒不用沽以玉子雜編  
出楸中玉局本國王子來朝邨筒不用沽以玉子雜編

避亂十州乘備採乙酉五月初九日張受先師渡江  
未明為詞劉河兵以數月廝等日張受先師渡江  
九日滿城民夜皆聞鬼哭二糧擁至城張甚言  
大兵已至蘇州居人驚徙城市一空知州名朱  
喬秀吝而懦卒當時危唯擁賞闔門為走計六  
四月初二日亂焚搶蜂起初

我生江湖邊行役四方早所歷皆闕河故園跡偏少歸

卷一

三十五



去已亂離始憂天地小從人訪幽棲居然逢浩渺百頃

磬清湖王鏊姑蘇志澱山湖之北有范青漾相傳范家田滙為巨浸按此乃作磬清湖蓋土人語也

烟清入飛鳥沙石晴可數鳧鷖亂青草主人柴門開雞

聲綠楊曉花路若夢中漁歌出杳々白雲護仙源劫灰

應不擾定計浮扁舟於焉得終老主人謂公宗人繇倩青房及公益兄弟也

詳後磬清湖詩

長日頻云亂臨時信孰傳愁看小兒女倉卒恐紛然緩

急知難定身輕始易全預將襁褓寄忍使道塗捐天意

添漂泊孤舟雨不前途長從妾怨風急喜兒眠水市灣

頭見溪門屋後偏終當溥樸處不作畏途看未得更名

姓先教禮數寬因人拜村叟自去榜漁船多累心常苦

遭時轉自憐干戈猶未作已自出門難其二其四謂之齊梁半格

驟得江頭信龍關已不守明史地理志江寧縣北有龍江關置戶分司於此由

來嗤早計此日盡狂走老穉爭渡頭篙師露兩肘屢喚

不肯開得錢且沽酒予也倉黃歸一時攜百口兩槳速

若飛扁舟戢來久路近忽又遲依稀認楊柳居人望帆

立入門但需帚依然具盤飧相依賴親友却話來途中

所見俱八九失散追尋間啼呼挽兩手屢休又急步獨

行是衰朽村女亦何心插花尚盈首

插花周美成詞好亂  
揀花盈首



此方容跡便止為過來稀一自人爭避溪山容易知有  
心高酒價無計掩漁扉已見東郭叟全家又別移總無  
高枕地祇道故園非謂遭陳墓之亂又他徙為客貪蝦  
菜逢人厭鼓鞞兵戈千里近隱遁十年遲惟羨無家雁  
滄江他自飛

高酒價梁書元帝紀長安東郭叟唐書張志和傳兄

還為築室  
越州東郭

月出前村白溪光始澄練放檝浮中流臨風浩歌斷天

整非不雄哀哉日荒燕嗟爾謀國徒坐失江山半謂南

臣荒亂長年篙起舞扁舟捷如箭可惜兩河士技擊無

人戰孤蓬鐵笛聲聞之淚流霰我生亦何為遭時涉憂

患昔也游九州今來五湖畔麻鞋習奔走淪落成愚賤

長年宋子京筆記蜀人謂  
施師為長年三老

曉起譁兵至戈船泊市橋草、十數人登岸沽村醪結

束雖非常零落無弓刀使氣搗市翁怒色殊無聊不知

何將軍到此貪逍遙官軍昔催租下令嚴秋毫盡道征

夫苦不惜畊夫勞明史食貨志楊嗣昌督師畝加練餉

產為官庄分上中下納租斗至二三斗有差御史何

周嗣言嗣昌流毒天下勦練之餉多至七百萬民怨何

極御史却晉亦言萬曆末合九邊餉止二百八十萬  
今加派遼餉至九百萬勦餉三年百三十萬業已停罷旋  
加練餉七百三十萬自古有一年而括二十萬以輸京  
師又括京師二千萬以輸邊者乎疏語雖切直而以時



能事危急不  
江東今喪亂千里空蕭條此地村人居不足

容旌旄君見大敵勇莫但驚吾曹

戈船漢書武帝紀歸義越侯嚴為戈船將軍臣瓚使  
氣壯史崔儼傳

嘉慶乙丑秋八月十日始於福州學使署至九月  
十七日在龍巖試館歸雲樓錄畢第一卷松門記

吳梅村先生詩集卷二

程穆衡迓亭原箋

古近體詩六十六首 起乙酉五月至丁亥遊越之作

讀史偶感咏南都事。箋語

吳越黃星見園林紫氣浮六師屯鵲尾雙闕表牛頭史明

諸王傳馬士英等迎由崧入南京庚寅稱監國壬寅自

瑞語鎮靜資安石艱危仗武侯新開都護府宰相領揚

州明史史可法傳馬士英旦夕奠入相擁兵入覲拜

鵲尾綱目府舒城縣治西北牛頭王丞相指牛頭山



云此天

莫定三分計先求五等封晉南都受封者朱國弼以翼戴

平伯劉澤清誠意伯劉孔昭侯爵孔昭國中惟指馬衣

都督劉儁已降賊送英赤金三千兩或榜中書門

士英笑曰此一物足以釋西伯遂補原官或女樂十二人

曰闖賊無門一匹馬橫行天闡外盡從龍蜚鎮守江達黃

下元凶有耳一元直走中原吳淞黃斌卿駐防上江又設

彩分徐泗鳳壽滁和四鎮以吳淞黃斌卿駐防上江又設

淮揚徐泗鳳壽滁和四鎮以吳淞黃斌卿駐防上江又設

及靖南伯黃朝事歸諸將四鎮合疏糾姜白廣劉宗周

以不轄之得功轄之伯黃朝事歸諸將四鎮合疏糾姜白廣劉宗周

混澤清即對得功又有疏自辨史遂言快此乃黎邱之巧

澤清又請誅呂大器及王力爭軍輸仰大農淮南數州

之獄黃劉左表又各上疏力爭軍輸仰大農淮南數州

地幕府但歌鐘東南餉額不五私萬人屢江北請餉宏光以

六木造宅淮安四時之室俱備借擬皇居濁亂英身

北寺讒成獄西園賄拜官公明行四方警報狎至有狂僧

掌中樞一無類為德督京營戎政趙士龍所捕大鉞欲

假以誅東林及素所不合者因造十八羅漢五十三參

之內書史不可法高宏圖姜曰廣等姓名內大悲袖中

大獄乃止大僚降賊者賄入朝輒復其官諸白丁隸役輸

爵在迎鑾賞加世蔭又加南臨恩可法少傅士英少保以

下又特陞李沾都察院左都御史張相國爭開第將軍

罷築壇空餘蘇武節流涕向長安朝館之鴻臚寺改館

太醫院順治二年六月以聞南京失

守慟哭至閏月二十日

卷二

二



西園後漢書官者傳當之官者迎鑿劉五代史梁臣傳  
唐昭宗召見賜賜  
唐昭宗召見賜賜

御刀周奉叔應敕阮佃夫列戟當關怒高軒哄道呼監

奴右衛率小吏執金吾匍匐車塵下腰間玉鹿盧以福

戶常應俊為襄衛伯補青浦知縣陳塘為中書舍人王

負之履雪中數里脫于難與磨鏞無党皆翌衛有功者

也書尋躡一武品武

御刀並專國命人珍傳齊東昏時左右應勅捉刀之徒

語曰欲求貴職依刀周奉叔南齊書周盤龍傳子奉

勅須得富豪事御刀周奉叔南齊書周盤龍傳子奉

州奉其學騎射尤見親密得入後宮軍阮佃夫恩倖

夫並執權亞于主人主僕從附隸皆受不次之位右衛

率晉書職官志惠帝建東宮置中衛

聞築新宮就君王擁麗華尚言虛內主廣欲選良家先

修興寧宮建慈禧殿大工繇費又專以選淑女為急應

天壯國往杭州選到陳氏王氏李氏三人著于十五

進元暉殿命戶工部各委官一負採辦中宮珠冠礼冠

冠一萬兩常使者螭頭舫才人豹尾車可憐青塚月已照

白門花謂不及册立悲被倖去如集

貴戚張公子奄人王寶孫入陪宣室晏出典羽林軍狗

苑

馬來西宛俳優待北門不時中旨召著籍並承恩舊福奄

田成張執中者尤用事馬阮數以金幣結之又有屈奄

卷二

三



中旨留之極嗜演戲伶人賜予無節云此已對韓贊周  
敢言又性極嗜演戲伶人賜予無節云此已對韓贊周  
泣曰梨園極嗜演戲伶人賜予無節云此已對韓贊周  
殊少佳者

張公子漢書外戚傳有童謠曰燕尾皇孫張公子  
燕啄矢成帝每微行常與張公子放王寶孫通鑑網目齊  
俱而稱富平侯家故曰張公子放王寶孫通鑑網目齊  
三四人王1年十寵宣室晏漢主置酒宣室使謂者  
董引內君

漫說黃龍府須愁朱雀桁三軍朝坐甲十客夜傳觴王

氣矜天整邊書棄御沐江州陳戰艦不肯下潯陽法史可

餘疏告急宏光以演戲不省揚州既破惟鄭鴻遠一旅  
守京口我兵編筏張燈向鎮江而別由老鸛河渡明晨  
對畫晦大風猛雨午夜集梨園入內與諸內臣雜坐酣  
對畫晦大風猛雨午夜集梨園入內與諸內臣雜坐酣

飲二鼓出奔而士英方命以方國安等備左  
夢庚于采石低徊上游不以南都為意也

黃龍府飛宋史岳坐甲至南史齊東昏侯記募兵出戰十

客陳浚主記常使張貴妃孔貴人等八婦人擘采箋  
製五言詩十客一時  
和遲則罰酒

偏師過采石突騎滿新林已設牽羊禮難為刑馬心先

駐太平府二十里外黃得功阮大鍼朱大典方國安等  
來見欲入城民不納因往蕪湖登中軍翁之琪舟豫王  
兵已薄都城監生趙之龍率王之明出降孤軍摧韋絜  
劉良佐亦降奉王命追擒宏光于蕪湖  
百戰死王琳極目蕪城遠滄江暮雨深可法禦之薄有

斬獲兵騰益急血戰請救不報開門出  
戰我兵隋書韓擒虎率五百人宵濟嚴采石守  
新林者皆醉擒帝遂取之進攻姑孰半日而拔次于







夕飾馬一而成

塗松晚發

塗松地名姑蘇志塗松去太倉州北三十五里倚七浦塘宋元豐間置市元張

士誠曾營兵於此

孤月傍一村寒潮自來去人語出短篷纜沒溪橋樹冒

霜發輕舸披衣聽雞曙籟響若鳴灘蘆洲靛驟雨漁因

入浦喧農或呼門懼居然見燈火市聲雜翁媪水改村

店移一帆今始遇州乘備採塗松市歷宗元民居極盛故張士誠築城其處以防海故老言

國朝初海艘入七浦者嘗覆于此余幼時見烟火尚稠梅村詩云：大可彷彿今七浦益狹市民數不戒于

家之里矣生涯問菰蒲世事隔沮洳終當謝親朋刺舟

從此住

籟一吳江縣志引此曰今謂之按輟耕錄引陸魯望蟹志云稻之登也率執一穗以朝其魁然後任其所之早夜曹沸指江而奔漁者緯蕭承其流而障之名曰蟹斷則

一應作斷梅村鎮洋縣志梅村在太倉衛東舊為明吏部郎王士驎別墅名賁園亦名新莊祭酒吳偉業

拓而新之易今名有樂志堂梅花菴交蘆菴嬌雪樓鹿樵溪舍檣亭蒼溪亭諸勝

枳籬茅舍掩蒼苔乞竹分花手自栽不好詣人貪客過

慣遲作答愛書來閒窓聽雨攤詩卷獨樹看雲上嘯臺

桑落酒香盧橘美釣船斜繫草堂開

壽王子彥五十婁東耆舊傳子彥名瑞國歸書城亦稱麋徑先生父士驎敬美次子

子彥弱冠中天啓辛酉舉人東修砥行游西銘之門推為都講尚氣誼厲名節吳門文姚兩公



皆款重之周忠介羅黨禍累金急其難馬文忠  
殉國設位誄以哭之既遭國變林居著書有終  
焉之志以事避吏入都不得已就選得廣東增  
城令三載移疾歸築瘞硯齋葺其祖萬卷樓讀  
以書其中

二十登車侈壯游軟塵京雒紫驂騶九成宮體銀鈎就

原注善 歐體 萬卷樓居玉軸收原注家有縱解擣捕非漫戲

即看哺啜亦風流原注善敢筍輿芒屨春山路故舊相逢總

白頭按世說王景文風姿為一時之冠表祭嘆曰景文

非但風流可悅乃鋪歎亦復可觀以對王子敬看

門生擣捕事人徒謂工于體日子彥不知皆

用當家事精切也公詩用古類然

只因梅信歸來晚手植松枝暗記年兩賢謂元美敬美

嬾將身世近浮名殘客繇來厭送迎獨處意非關水石

逢人口不識杯鐺衣幅蘊藉多風貌硯几清嚴見性情

子弟皆賢賓從好似君纔勿媿平生幅音怯入聲或議此字然檢原稿本

冠作衣

殘客南史張纘傳吾不識杯鐺曹眼不識杯鐺何水

幅北史成淹傳既

雖云文籍與儒林晉書王沉文籍先生裴秀儒獨有居

然擅古今五筮留高士約百金投客故人心尊彝布列

圖書貴花木蕭疎池館深此謂子彥晚向鹿門思采藥



漢濱漁父共浮沉

松鼠

衝颺飄頽瓦壞墻叢廢棘謾然見松鼯搏樹向人立側  
目仍盱眙奉頭似悚惕簷牙偃卧高屋角欹斜疾倒擁  
弱枝危迅躡脩柯直已墮復驚趨將歲又旁突去遠且  
暫留迴顧再迸逸前逃赴已駛後竄追旋及剽輕固天  
性佞狡因衆習兩木夾清漳槎牙斷尋尺攀援所絕處  
排空自騰擲足知萬物機飛走不以力首賦其形性如此嗟爾  
適何來鳥鼠忽而一本是居嶄巖無端被羈繫兒曹初  
玩弄種類漸充斥黠彼憑社徒技窮耻畫匿銜尾共呼

畫

社

鳴異穴為主客吾廬枕荒江垂死倚病柏雷雨撥其根  
慘裂蒼皮濕空腹鴟鴞蹲殘身螻蟻食杜鬼不復憑乘  
間恣出入追次種類之微并托身之賤庭中玉蕊枝怒茁遭狼藉非  
敢念摧殘於君奚損益屈指五六年不遣一花白筍筍  
抽新芽編籬察行跡免彼鑷鉏侵值爾齒牙厄反使盜  
者心笑晚生歎息貧賤有此園謂可資溉植春蔬晚猶  
種夏果晨自摘鳥雀羣飛鳴啁啾滿阡陌婦子懶驅除  
傳藁加臺笠我亦顧而笑自信無長策焉能避穿墉會  
須憂入室言為害于庭中也有然茅齋雖云陋一、經剪葺曉起  
看埽除仰視輒詫惜尋繩透簾幕掉尾來几席倒度傾

卷二

八



圖書窺厨啖漿炙空倉喧夜鬪忘疲競遺粒早幸官吏  
租督責無餘積其入室之邂逅開虛堂羣怒扼險塞地  
逼起衆呼拍手撼四壁捕此冒足多欲以觀其急櫺戶  
既嚴扃樂櫃若比榔督眼倏遁逃一巧先百密窮追信  
非算允豫不早擊忍令智弗如變計思與敵機深勇夫  
駭勢屈兒童獲舉世貴目前快意相促迫彼巧獲之緣  
可勝計乎比讀莊生書退守愚公術撲棗聽隣家搔爪  
任邊邑溪深懶趁魚果熟猿偷粟天地所長養於已何  
得失嗟理則誠然自古戒鼠泣仙豈學淮南腐難嚇梁  
國舞應京房占磔按張湯律終當就羅網不如放山澤

永絕焚林風用全飲河德若輩蒙放最工報復玉藻也

也自是其殆矣

憑社宗書思倖傳技窮荀子拍手晉書索統傳

拍搔爪賈誼新書梁大夫宗就為邊縣令與楚隣界

而稀灌其爪惡楚令以梁爪美夜竊搔之梁爪皆有

焦者矣梁亭請其耐欲報搔楚爪宗就曰是構怨分

禍之道也令人竊京房占京房易傳曰誅不

為楚亭夜灌爪原情厥妖鼠舞門

周五子做讀書愛客白擲劇飲又善音律好方技

謂丹葉為此詩以啁之婁東耆舊傳周肇字子

入室弟子浙黨誣搆西銘稱其及門尤材者十

事旨下善類凜有永康克禍之懼故終前明

世子椒試弗售順治丁酉中壯聞試尋選青浦



縣教諭康熙壬戌陞  
新淦縣知縣卒于任

大隱先生賦索居比來詩酒復何如馬融絳帳仍吹笛  
劉向黃金止讀書窮賴文章供飲博興因賓客賣田廬  
莫臨廣武頻長嘆醉後踈狂病未除

溪橋夜話

予偕子做兄弟臨流比屋異戶同橋久雨得月

新浴乍涼輒書數語以識幽事

竹深斜見屋溪冷不分橋老樹連書幌孤村共酒歌  
香消積雨人影話良宵同入幽栖傳他年未索寥

初春同王惟夏郁計登夜坐奇懷室王惟夏見後  
詩郁計登名

禾奇懷室  
在梅村中

長日誰教睡夜深還擁書一燈殘酒在斜月暗牕虛  
退才須減名高懶不除梅花侵曉發蚤得伴閒居

新霽喜孫令修至同步後園探梅孫令修名以敬  
孺浣心居與公

隣故幼同筆硯亦為張西銘弟子  
登崇禎丁丑進士任甌寧令

偶來因客興信步得吾園雨足山低樹花開日滿軒  
掃林休石磴劇藥遇泉源絕壑人聲至驚栖聽鳥喧

送繼起和尚入天台蘇州府志宏儲字繼起晚號  
退翁通州李氏子年二十五

投三峰巖和尚力參頓悟明大法住常州之夫  
叔祥符又歷台州之東山能仁天台之國清與  
化慧明瑞巖  
天寧諸刹



振錫西泠渡潮聲定後聞屐侵盤磴雪衣溼渡江雲樹

向雙岷合泉經一杖分石林精舍好猿鳥慰離羣

一杖分水甚遠明禪師以錫杖叩之泉水湧出

贈願雲師并序

願雲二十而與予游甲申聞變常相約入山東

者舊傳王瀚字原達受業于張采為諸生有名

國變後哭學棄衣焚書籍為恭謝聖廟入山詩

百首遂為僧從靈隱三時老人證菩提果號海

山大師名戒顯字願雲住雲俱山楚黃梅之四

祖道場迨具德和尚欲往徑山乃招之于橫梅

取靈隱付之庚寅夏入廬山遂主席江右漸雖

入空門悲憤激烈曾檄討從賊諸臣有句云春

夜宴梨園不思翹碧池頭之泣端陽觀競渡誰

語錄現果隨錄瀝血草等行于世兄淳弟湛皆

諸生起予牽帥不果而師已悟道受法于雲門

具和尚據張氏子發正信投普陀寶花菴靜長

老下髮漢月開法于靈隱宏禮于座下首叅本

來面目漢月許為鍊骨禪謂吾宗必興于是子

歸隱雲門山中應劉念臺請出世于會稽之廣

孝寺靈隱大殿火重新構殿材于大山深谷鉅

湧十圍人力罕至一旦雷雨大作暴水泛漲浮

奔轆天寧今夏從靈隱來止城西之太平菴州

靈隱尤大今夏從靈隱來止城西之太平菴州

備採太平菴元至正六年僧云將遠游廬嶽貽

如整建後歸併入淮雲教寺云將遠游廬嶽貽

書別余以兩人年踰不惑衰老漸至世法夢幻

惟出世大事乃為真實學道一著不可不勉予

感其言因作此詩贈之并識子媿也



曉雨西山來松風滿溪閣忽得吾師書別余訪廬獄分  
攜出苦語殷勤謂同學兄弟四十餘哀遲已非昨寄身  
蒼崖巔危苦愁失脚萬化皆虛空大事惟一著再拜誦  
其言心願抑何忤未運初迺遭達人先大覺勸吾非不  
早執手生退却流連白社期慚負青山約君親既有媿  
身世將安托今觀吾師行四海一芒屨大道本面前即  
是真極樂他年跌深巖白雲養宗冥一偈出千山下界  
鐘磬作故人叩松關匡牀坐酬酢不負吾師言十年踐  
前諾

白社稿簡贅筆遠法師在廬山謝康樂為鑿  
東西二池種白蓮求入淨土號白蓮社

聞台州警

明紀輯畧魯王避難台州乙酉張國維  
方逢年熊汝霖孫嘉績鄭遵謙柯夏卿

宋之普陳涵輝共謀立王朱大典亦上表勸進  
遂定議迎王于台丙戌五月方國安拔營遁逼  
王南行江上諸軍俱散國安與馬士英  
獻王以降會守者病得脫浮海入舟山

高灘響急峭帆收橘柚人言對鬱州天際燕飛黃石嶼

明紀輯畧張國維追護魯監國行至黃石巖方國安已  
斷所過橋不得進窠字通志黃岩委羽山劉奉林控鶴

沖舉于此雀嘗墜翻故雲中犬吠赤城樓投戈將士道

名按此燕當作雀字遙卧大明紀輯畧馬士英遁入台州山寺為僧搜獲之阮

過嶺無一兵守閩者橫笛漁翁縹緲愁聞說天台踰萬丈可容長

嘯碧峰頭

野哭山深叫杜鵑閨風臺畔羽書傳軍捫絕磴松根火



士接飛流馬上泉雁積稻梁池萬頃猿知擊刺劍千年  
桃花好種今誰種從此人間少洞天

天門中斷接危梁玉館金庭跡渺茫興地名勝志天台

視石梁着在天半廣不盈尺長數十丈下臨絕澗惟攀

蘿梯岩乃可登上瑤樓玉闕碧林醴泉舊稱金庭洞

天道書石鼓響來開峭壁干將飛去出滄浪仙家壘是

何年築刺史丹無不死方一統志定海縣丹邱葛洪鍊

仙藥亂後有人還採藥越王餘奠禹餘糧昔晉安越王

渡南海將黑角白骨作算籌其有餘者棄于水中因生

草葉白似骨黑者似角遂名越王餘奠張華博物志扶

餘糧世上有蒟草其實食之如大麥名自然穀亦名禹

三江木落海天西華頂風高聽鼓鼙瀑布洗兵青嶂險

石橋通馬白雲齊途窮鄭老身何竄明紀輯畧為黃熙

允晉江人鄭芝龍密遣使通款劫其眾出降至福州

朝見兵主貝勒握手言歡折箭為誓痛飲三日夜半忽

拔營起挾之北去一統志台州春去劉郎路總迷劉中

府治東鄭廣文祠祀唐鄭虔春去劉郎路總迷

忤芝龍罷去亦借最是孤臣蕭瑟甚斷虹殘雨子規啼

劉阮入天台事最是孤臣蕭瑟甚斷虹殘雨子規啼

姜如須從越中寄詩次韻進士授行人明崇禎庚辰

坡為行人見署中題名碑崔呈秀阮大鍼與魏

大坡中並列立拜疏請去二人名及大鍼得志滋

解其從越中寄詩謂自寧波寄詩來也

漂泊江湖魯兩生亂離牢落暮雲平秦餘祀日刊黃縣

越絕編年紀赤城南菊逢人懷故國西窓聽雨話陪京

不堪兄弟頻回首落木蕭蕭非世情秦餘祀日刊黃縣



如須越中著述也

東萊行原注為姜如農如須兄弟作也。按如農

又張溥沒後以如農疏薦有詔徵其遺書故復社諸子咸重之

漢皇策士天人畢二月東巡臨碣石獻賦凌雲魯兩生

家近蓬萊看日出仲孺召入明光宮補過拾遺稱侍中

明史本傳姜採字如農萊陽人崇禎四年擢禮科給事中

縣知縣調任儀真遷禮部主事十五年擢禮科給事中

叔子輜軒四方使一門二妙傾山東明史本傳採同時

里人官侍從左徒宋玉君王重就中最數司空賢三十

孤卿需大用程穆衡擊悅危談萊陽宋氏社名邑社自

俱合復社繼登字華之弼澄嵐天下尊稱宋先生常夢

李北地生其家而得工部侍郎政字九青詩學少陵

愛蒼博而斥婉麗城破死時年未四十君家兄弟俱承

集無傳者蓋至玉叔而宋氏之詩大昌

恩感時危涕長安門侍中叩閣數彊諫上書對仗彈平

津天願不憚要人怨衛尉捉頭掉下殿中旨傳呼赤棒

來血裹朝衫路人看本傳採劾陳啓新籍下撫樓退賊擬

罪竟逃去不知所之國變後為僧以卒已採陳盪寇二

策帝善其言遣下詔責言路採代入其說乃上言陸

下視言官重故責之嚴如聖論云代人規却為人出缺

者臣敢謂無其事先積習非為天錫也採之論詞旨

帝實指其語蓋戒廷臣憂勞天下戴罪省愆所採戒諭

哀痛採願反覆詰難若深疑于帝者帝遂大怒曰採敢

卷二

十四

官相追從避兵盡室來江東本為逐臣溝壑裏却因奉

乃逮至午門杖一百仍繫獄十七年二月始釋愛弟棄

之獄會鎮府梁清宏上其獄密旨下衛帥駱養性令潛斃

詰問詔旨急下詔獄考訊密旨下衛帥駱養性令潛斃

詰問詔旨急下詔獄考訊密旨下衛帥駱養性令潛斃

詰問詔旨急下詔獄考訊密旨下衛帥駱養性令潛斃

詰問詔旨急下詔獄考訊密旨下衛帥駱養性令潛斃

詰問詔旨急下詔獄考訊密旨下衛帥駱養性令潛斃

詰問詔旨急下詔獄考訊密旨下衛帥駱養性令潛斃

詰問詔旨急下詔獄考訊密旨下衛帥駱養性令潛斃

詰問詔旨急下詔獄考訊密旨下衛帥駱養性令潛斃

詰問詔旨急下詔獄考訊密旨下衛帥駱養性令潛斃

詰問詔旨急下詔獄考訊密旨下衛帥駱養性令潛斃

詰問詔旨急下詔獄考訊密旨下衛帥駱養性令潛斃

詰問詔旨急下詔獄考訊密旨下衛帥駱養性令潛斃

詰問詔旨急下詔獄考訊密旨下衛帥駱養性令潛斃

詰問詔旨急下詔獄考訊密旨下衛帥駱養性令潛斃

詰問詔旨急下詔獄考訊密旨下衛帥駱養性令潛斃



母亂離中本傳採杖已死弟孩口溺灌之乃蘇盡力營  
請代兄繫獄釋採歸葬不許三年流落江湖夢茂陵荒

草西風痛頭顱雖在故人憐髀肉猶為舊君痛陳維崧

注如農先生前朝建言予杖遣成宣州會違甲申之變

不克往戌所弟如須先生從之傲居吳門者幾三十年

癸丑夏疾革遺命曰必葬我敬我來扶杖過山頭把酒

亭之麓其子勉仲學在從之

論文遇子由異地客愁君更遠中原同調幾人留司空

平昔耽佳句千首詩成罷官去梅村詩話九青年十九

事陞太常進戶部侍郎以枚卜遇遣歸嘗與余同使楚

竟陵鄭澹石贈什曰折衡剖斗為文章天下妻東與萊

陽謂吾戰鼓東來白骨寒二勞山月魂何處禎成仁譜崇

西人也及工部侍郎宗政宗人吏部稽勳司郎中應亨

大兵入關山東雲擾萊陽諸生姜瀉里字爾岷借其季

子坡及工部侍郎宗政宗人吏部稽勳司郎中應亨

俱以罷任經畫守禦兵薄城下發一炮中其帥首少却亡

何夜罷城兩家皆驅家僮巷戰刃中瀉里背見殺坡抱

父屍大罵兵鬻之執致及應亨相父左氏勲名照汗青

對拷掠不屈死。按瀉里即塚塚父

過江忠孝數中丞孺卿也向龍沙死柴市何人哭子卿

明詩綜左懋第字仲及萊陽人以兵部右侍郎都御史

督師河北京充道問使不屈誅竹垞詩話左公將壯行貽

書姜給事塚既入燕卒以閏月十九日死於市池北偶

談公母徐寧海儒家女甲申京師陷從子懋泰載以歸

行至白溝河呼懋泰前責以不能死國寄語懋第勉之

無以我為念言訖而死蓋出都不能食已數日矣。按孺

卿或即指只君兄弟天涯客漂零尚是烟霜隔思歸詩

寄廣陵潮憶弟書來虎邱石回首風塵涕淚流故鄉蕭

瑟海天秋田橫島在魚龍冷藥大城荒草木愁按明史

大典諸傳登萊之亂始于長山諸島去登州四十里

追亂賊孔有德耿仲明等先後降島大清崇禎十一年



夏楊嗣昌決策徒其兵民于寧 當日竹宮從萬騎祀日

錦而諸島一空地亦界萊也 歌風何意氣斷碑年月記乾封柏梁侍從誰承制魯連

臨海非求名鵠夷一舸寧逃生丈人淪落有時命豈復

悠：行路心我亦滄浪釣船繫明日隨君買山住烏絲注

姜貞毅先生敬亭山房即文：肅公清瑤

二妙晉書衛瓘傳為尚書今與尚書郎索 粹下殿書

金日碑傳粹胡投何 二勞一統志勞山在即墨縣東

勞山一差小孺卿漢書蘇武傳官騎亡孺

言懷

苦留蹤跡住塵寰學道無聞且閉關只為魯連寧臨海

誰云介子不焚山枯桐半死心還直斷石經移蘇白斑

欲就君平問消息風波幾得釣船還

壽王鑑明五十鎮洋縣志王日新字鑑明號眉岳

新絕意科舉肆力於天文地理之學星緯形勝

瞭若指掌甲申後韜晦跡躬耕于野吳祭酒

贈詩比之伏勝桓榮年五十四卒婁東者舊傳

王應時仕元恭脫榮軍從破賊有功孫紹一洪

武鑑明為諸生有聲生發祥順治乙未進士仕

至湖廣提學僉事發祥生吉武康

熙丙辰進士以民部郎出守紹興

伏勝謝生徒開壁歲卷軸桓榮抱詩書拾杞逃巖谷古  
來兩經生遭亂耽講讀後皆保耆頤或乃致鼎足當世  
數大儒如君號名宿通識曉世變早計駭愚俗一朝載



妻子推車入天目婁東耆舊傳鑑明崇禎中知將亂經  
營志不遂退乃就田牧十畝種桑麻一溪蒔花木果茹  
飴兒孫樵蘇課僮僕以代子陵釣無媿君平卜俯視悠  
悠人愁苦對金玉下士豈聞道世事如轉轂五十知天  
命養生在無欲全家就白雲避地驅黃犢無以侑君觴  
知足則不辱

鼎足漢書彭宣傳三  
公鼎足承君

### 感事

不事扶風掾難畊好時田老知三尺法官為五銖錢築  
土驚傳箭呼門避擢船此身非少壯休息待何年

初冬月夜過子倣

月色破林巒貧家共一灘門開孤樹直影逼兩人寒淪

茗諄陽羨論詩到建安亦知譚笑久良夜睡應難

園居東許九日程穆衡為吟集小傳許旭字九日  
少稟家學聲譽日起吳梅村極加

稱字應依一格

稱賞故海內英髦爭捧敷槃既而入制府范忠貞  
公之幕公自浙撫督閩九日贊畫軍務深所倚  
毗耿送之亂公殉節幕下客無一免者獨九日  
適先以事假得脫死其秋水集格巖思精卓然  
成一家之言

迸笋穿茶竈歌花罨釀房曝書移畫几敲筆響琴牀晚  
食知眠懶輕衫便酒狂脩然吾願足不肯負滄浪

琵琶行并序



去梅村一里為王太常煙客南園粵東者舊傳

之號烟客文肅公錫爵家孫以蔭補太常寺卿

持節封藩常渡錢唐入豫章涉沅湘踰閩嶠所

至省厨傳卻曠幣居鄉好行其德子孫光顯壽

踰九十州乘備採南園即陸容參政菽園遺址

王太常得而修築之其窪隆面勢

尚仍其舊梅桂蕭森饒幽秀之致

今春梅花盛

開予偶步到此忽聞琵琶聲出於短垣叢竹間

循墻側聽當其妙處不覺拊掌主人開門延客

問向誰彈則通州白在湄子或如父子在湄名

雙璧本事詩白生雙璧琵琶第一手吳梅村曾

為作琵琶行陳其年詩所謂一曲紅鹽數行淚

江南祭酒不勝情者也

生為予朗彈一曲迺先帝十七年以來事叙述

亂離豪嘈淒切按公秣陵春樂府曲終此坐客

有舊中常侍姚公避地流落江南因言先帝在

玉熙宮中梨園子弟奏水嬉過錦諸戲內才人

命之曰琵琶行

琵琶急響多秦聲對山慷慨稱入神同時漢陂亦第一

兩人矢志遭遷謫明史文苑傳康海字德涵武功人王

海九思同里同官同以瑾黨廢每相聚沂東鄆杜間挾



費重賞購樂工學琵琶海搗彈丸善後人傳相仿微大  
雅之道微矣又藝文志康海對山集十九卷樂府二卷  
王九思漢陂集十絕調王康並盛名崑崙摩詰無顏色  
九卷樂府四卷  
百餘年來操南風竹枝水調謳吳儂里人度曲魏良輔  
高士填詞梁伯龍蘇州府志崑山梁辰魚字伯龍以例  
響聲出金石崑有魏良輔者造曲律世所謂崑山腔者  
自良輔始而伯龍獨得其傳著浣紗傳奇梨園子弟喜  
歌之按良輔後寓州中邑北調猶存止弦索朔管胡琴  
志亦作州人故云里人  
相聞作畫失傳頭誤後生誰知却唱江南樂後冠紀畧  
兵未起時  
中州諸王府中樂府造弦索漸流江南其音餘促淒緊  
聽之哀蕩大河以北所謂姜紹書韻石齋筆談楊仲修  
相愁離別之音靡細難辨姜紹書韻石齋筆談楊仲修  
見周藩樂器因創為提琴哀弦促柱佐以簫管童子以  
曼聲和歌纏絲淒楚如泣如  
訴聽之使人神愴不能自己  
今春偶步城南斜王家池

館彈琵琶悄聽失聲叫奇絕主人招客同看花為問按  
歌人姓白家住通州好尋覓袴褶新更回鶻衰虬鬚錯  
認龜茲客偶因同坐話先皇手把檀槽淚數行抱向人  
前訴遺事其時月黑花茫茫初撥鷓鴣弦秋雨滴刀劍相  
磨轂相擊驚沙拂面鼓沉沉若然一聲飛霹靂南山石  
裂黃河傾馬蹄迸散車徒行錢鳳銅盤柱摧塌四條弦  
上烟塵生忽焉摧巖若枯木寂寞空城烏啄肉轆轤夜  
半轉伊啞嗚咽無聲貴人哭碎珮叢鈴斷續風冰泉凍  
壑瀉淙、明珠瑟、拋殘畫却在輕籠慢撚中斜抹輕  
挑中一摘謬慄颼颼懽肌骨銜枚鐵騎飲桑乾白草黃



沙夜吹笛可憐風雪滿關山烏鵲南飛行路難獨嘯鼯  
啼山鬼語瞿塘千尺響鳴灘自初撲鷓鴣弦起至此狀音  
映比所謂十七年以來事也坐中有客淚如霰先朝舊值乾清殿明  
職官志御前近侍穿宮近侍拜長秋咬春燕九陪游燕  
有乾清宮管事高士奇隨輦集都人立春日競食生蘿蔔咬春中街  
市夜半猶有賣者高呼曰賽過晚梨帝京景物畧白雲  
觀元太極宮故墟出西便門一里觀中聖邱真人先皇  
像都人正月十九墟出西便門一里觀中聖邱真人先皇  
駕幸玉熙宮南一街北志玉熙宮在西安門鳳紙僉名喚  
樂工苑內水嬉金傀儡高士奇金釐退食筆記水嬉之  
賢文武男女之像平下安卯拘用竹板承之設方木池貯水令滿取魚瓜  
一萍藻實其中隔以紗障運機之方木池貯水令滿取魚瓜  
夏殿頭過錦玉玲瓏陳應戲天啓宮詞注過錦鐘鼓司所

長殿頭過錦玉玲瓏陳應戲天啓宮詞注過錦鐘鼓司所  
不文將畢諸謹雜發鑼鼓喧鬧奉酒御前而散金釐退  
食華記過錦戲有百回每回十餘人御前而散金釐退  
俗並陳又如雜劇古事之類各有旗一對鼓吹送雅  
所扮備極世間騙局俗態并拙婦驂男及市井賈刁  
賴詞訟雜要諸項蓋欲九重之中廣識見博聰明順天  
時恤民隱也愍帝每宴玉熙宮作之一日報至汴梁失  
守親藩被不遂幸大慟一自中原盛豺虎煖閣才人撤歌  
舞于房下即煖閣在乾清宮後九間中置三張  
又三天橋下左二間之林三張于天下橋  
上左三間之上又置林三張于天下橋  
間之林三張于天下橋  
樓梯也凡九間有上下共置林二十七張  
居寢制插柳停搗素手箏燕史宮眷內臣清燒燈罷擊  
度亦異插柳停搗素手箏燕史宮眷內臣清燒燈罷擊  
花奴鼓我亦承明侍至尊止聞鼓樂奏雲門段師淪落



延年死不見君王賜予恩一人勞悴深宮裏賊騎西來

趨易水萬歲山前鼙鼓鳴薛蕙西北元武門外為大山在子城

而松覆之山下有亭林木陰翳多植奇果名百果園座

九龍池畔悲笳起口下舊聞引曹靜照紅蕉集宮詞曰

粧成俛為近仍在內苑似不開簾看水嬉屏山之九龍池也

羽移宮總斷腸江村花落聽霓裳龜年哽咽歌長恨力

士淒涼說上皇前輩風流最堪羨明時遷客猶嗟怨即

今相對苦南冠昇平樂事難重見白生爾盡一杯酒絲

來此技誰能手州乘備採白或如流寓吾州岐王席

散少陵窮五陵召客君知否獨有風塵潦倒人偶逢絲

竹便沾巾江湖滿地南鄉子鐵笛哀歌何處尋

崑崙段安節琵琶錄建中水調人碧雞漫志予數見唐

予因疑水調之非曲名鶻弦琵琶用鶻雞筋古琵琶碎珮叢鈴

乃俗呼音調之異名鶻弦琵琶用鶻雞筋古琵琶碎珮叢鈴

温飛卿詩雨燒燈唐書明皇紀二十八年二月望

花奴小楊妃外傳尤善羯鼓段師登花萼樓置酒四顧

乃命進玉環玉環者睿宗所御琵琶也未嘗持用

至是命樂工賀懷智取調之命僧段師彈之

生謂白漢書儒林子也

附新東人箋大清一統志南鄉故城在南陽府浙

卷二

五



之君臣與請以質之博聞者

西田詩

州乘備採西田在歸涇之上歸涇者去城西有二里或曰歸涇常居焉或曰以其

沿吳塘而北可歸也王烟客自歸村老農築農慶堂以居梅村文集烟客自奉常謝政幅巾里門有城中賜第以安起居有近郊別墅以娛杖履而樂此者曰此田是先朝祿賜所遺先相國文肅所以

貽子孫也

穿築倦人事田野得自然偶來北郭外學住西溪邊道

大習隱難地僻起衆傳而我忽相訪棹入菰蒲天落日

浮遠樹桑柘生微烟逕轉蹊路迷鳧鴨引我船香近聞

芰荷卧入花鮮妍人語出垂柳曲岸漁槎偏執手願而

笑此乃吾西田長得君輩客野興同流連藉草傾一壺

聊以娛餘年

君輩客

世說夷甫無君輩客亦用王氏事

到此身世寬息心事樵牧舍南一團焦云以飯黃犢入

門沿長廊虛堂敞心目把卷倚新桐持杯泛南菊曲處

通簾櫳茶香具含蓄俄穿密室暗倏遇清溪綠碧水開

紅蕖娟娟幽獨有鳥立層波垂翅清如玉對此不能

去溪光好留宿月照寒潭深經聲入寒竹徒倚良有悟

閒房道書讀

團焦

北齊書神武紀雖門巷開廣堂宇崇麗其本所住團焦以石堊塗之留而不毀

別業多幽處探源更不窮堤沿密篠盡路細竹扉通石



罇枯泉過菖蒲間碧叢一亭壓溪頭魚藻如游空扁舟

更不繫出沒柳陰風小閣收平蕪良苗何雍容此綠詎

可畫西田記啟東軒則婁江如畫面北牕則變化陰晴

中隔岡見村舍曲背驅牛翁苦言官長峻未敢休微躬

樸陋矜詩書無乃與我同日落掩扉去滿地桃花紅此首

亦是齊梁半格

常言愛茅齋投老纔剪葺創置依舊圖新意出彷彿蒼

然一笠寒能添夕陽色細影懸晨光一一清露滴下生

工丹青妙手固誰匹山村貪無人取意先自造想像生

雲烟為我開素壁了見千峯可以攜手入卞文瑜字潤甫烟客

西廬詩草云潤甫卞翁為余茅菴畫壁高妙直追董巨

歌以紀之馮仙湜續圖繪寶鑑文瑜號浮白蘇州人小

景頗佳道人十年夢惆悵平生屐此地足卧游不負幽人

室願以求長生芝草堪采食

王煙客招往西田同黃二攝六王太子彥及家舅

氏朱昭芭李爾公賓侯兄弟賞菊梅村文集昭

倉人父廷璋於余外王父為從兄弟君生而穎

異十七補諸生偕侯廣成先生游江右為葉公

大木之粵東制舉藝極工世變遂棄去發憤攻

古學馬班范三史考覈尚未竟魏晉以降貫穿

詳洽所著惟書史異同新舊異同二書先成其

年進士崑山李開鄴侯改名可沂歷官湖

廣提學按二李烟客內姪也爾公名未詳

九秋風物令公香菊原注其遺愛三徑滋培處士莊花似



衣字  
去声

賜緋魚賜紫人曾衣白對衣黃

擊危談子彥即席箴此句謂衣字去聲然公謂

自是佳句無可  
易不忍棄也

未堪醉酒師彭澤欲借殮英問首陽轉

眼東籬有何意莊嚴金色是空王

不扶自直踈還密已折仍開瘦更妍最愛蕭齋臨素壁

好因高燭耀華鈿坐來豔質同杯泛老去孤根僅瓦全

原注詩者以瓦束土。詩話蒼雪師和句有云獨  
擅秋容晚節全。字落韵和者甚多無出師上者苦向

隣家怨移植寄人籬下受人憐

和王太常西田雜興韻

原唱七首題云用沈景倩家林諸作韻

一卧溪雲相見稀繫船枯柳叩柴扉橋通小市魚蝦賤

水遠孤村烟火微到處琴書攜自近驟來賓客看人圍

畫將松雪花溪卷補入西田老衲衣

花溪在蘇州閭門內范莊前即文正

公故宅趙文敏  
曾作花溪圖

積暑空庭鳥雀稀泉聲入竹冷巖扉芒鞋藤杖將迎少

蠓舍漁莊生事微病酒客攜茶笋到罷棋人簇畫圖圍

日斜清簟追涼好移榻梧陰見解衣

茶笋

三國志韋曜傳密  
賜曜一以當酒

苦竹黃蘆宿火稀渡頭人歇望歸扉偶添小閣林巒秀

漸見歸帆烟靄微蔬圃草深鳧雁亂水亭橋沒芰荷圍

夜涼捲幔深更話已御秋來白衿衣

竹塢花潭過客稀灌畦纔罷掩松扉道人石上支頤久



漁父磯頭款乃微潮沒秋田孤鷺遠閣舍山雨斷虹圍  
亭學木落杭州夢江海翩躑一羽衣

亂後歸來桑柘稀牽船補屋就柴扉游魚自見江湖濶  
野雀何知身體微聽說詩書田父喜偶譚城市醉人圍

昨朝換去機頭布已見新縫短後衣

身體微田雀不知軀體微野

勝情今日似君稀鷺立灘頭隱釣扉屋置茶寮圖陸羽

軒開畫壁祀探微蕭齋散帙知耽癖高座談經早解圍

手植松枝當麈尾雲林居士水田衣

水田衣王維詩乞飯從香積裁衣學水田楊慎藝林伐山絮裝一名

相逢道舊故交稀偶過隣翁話掩扉陶氏先疇思士行

謝家遺緒羨宏微城中賜第書千卷祠下豐碑柳十圍

今日亂離牢落甚秋風禾黍淚沾衣

宏微南史謝宏傳字宏微謝混以劉毅黨見誅混仍世宰相一門兩封田業十餘處僮僕千人惟有

二女年並數歲一經紀生業事賜第晉書賀循傳若在公一錢尺帛出入皆有文簿賜第一區

書千卷唐書柳宗元傳家有賜書三千卷尚善和里舊宅

春曉臺前春思稀春曉臺在烟客樂郊園中故園蘿薜

繞山扉僮畊十畝桑麻熟僧住一龕鐘磬微題就詩篇

繞滿壁種來松枯已成圍而今却向西田老換石栽花

典故衣



贈蒼雪

蘇州府志讀微字蒼雪滇南呈貢趙氏子王昭上漁洋詩話近日衲子詩當以滇南

讀微為第一如一夜花開湖上路半春家在雪中山亂流落葉聲魚下聽徹寒扉不上關皆警也句

我聞昆明水天花散無數躡足凌高峯了了見佛土法

師滇海來植杖渡湘浦藤鞋負貝葉葉青蓮吐法航

下匡廬講室臨元圃忽聞金焦鐘過江救諸苦中峰古

道場浮圖出平楚通泉繞階除疏巖置廊廡盧熊吳郡

支硎山寒泉上又名楞伽院為支遁故居遁詩曰石室

可蔽身寒泉濯温手相傳遁冬居石室夏隱別峯泉上

刻紫石居士虞廷臣書寒泉二字徑丈徐崧百城烟水

支硎山中峯寺明宏正間廢地歸王文恪公天啓中公

元孫永思臨沒遺言仍還淨域是時一雨潤公住華山

因施為淨室門人汰如明公蒼雪徹公開講席徹公歿

元道曉菴同學有汰公兩山間法鼓天親偕無著一朝

相繼主之萬里而法門兄弟氣誼最得蒼住中峯汰住

亡其伍去梅村詩話蒼雪與維揚汰如師生同年月日相

華山人以比無著天親馬無名氏汰如塔銘明河字汰

如通州人一雨潤公之弟子也雪浪之後為巢雨巢雨

之後為蒼汰四公法門冢嫡如兩鼻孔同一出氣但有

左右耳汰如繼雨公說法自髀高松道者示寐于華山

按蒼雪至吾州獨游東海上從者如墻堵迦文開十誦

廣舌演四部設難何衡陽荅疑劉少府人我將無同是

非空諸所即今四海內道路多豺虎師於高座上辦香

祝君父欲使菩提樹徧蔭諸國土洱水與蒼山佛教之

齊魯陳鼎滇黔紀游點蒼山一名靈鷲梵語耆闍崛列

萬四千塔大理塔基數百皆其舊址唐乾德二年詔沙

門三百人入天竺求舍利及梵書至開寶九年始歸其

卷二 二十六



紀録行程曰魏峯曰雞足山曰優波掬多石室曰王之  
城曰鷲峯曰阿難半身舍利塔曰畢羅鉢窟以今考之  
皆大理古蹟也蓋當日由西番行入天竺而轉東行以  
達大理黔蜀之道當不通也今雞足與靈鷲相望而畢  
羅鉢窟舍利塔現存然則世一履游中原五嶽問諸祖  
之所謂佛國者即在滇南矣

稽首香花巖妙義足今古

昆明天花網目庖實滇池在雲南府城南一名昆明  
佛土等法華經其大千佛以一恒河沙元圃上一統志元圃在北十

誦隋書優而什鳩摩羅什才我金剛經無復菩提

樹西陽雜俎如來成道時樹陀諸祖迦釋文佛宗派祖

師授受圖有贈蒼雪若鏡兩師見訪

孤雲所宿處清磬出層陰高座惟斯道扁舟亦此心尋

秋逢講樹到海發禪音月色霜天正吾師詩思深

謝蒼雪贈葉染道衣

娑羅多寶葉煎水衲衣黃不染非真色拈來有妙香足

跌僧相滿手綻戒心長一笠支郎許安禪向石傍

僧相滿坐是相圓滿跣趺綻日裏按從補也支郎魏有

而睛黃復多智時賢諺曰支郎眼中黃身軀雖小是

智囊見五色線僧亦可稱為郎

題歸元恭僧服小像明詩綜歸莊字元恭崑山人

陀嘉定縣志元恭有光曾孫



豈是前身釋道安  
遇人不看鹿皮冠  
接羅漉酒科頭坐  
只作先生醉裏看

原注好酒

金粟山人道者衰  
玉山秋盡草堂荒  
劫灰重作江南夢

一曲開元淚萬行

遺能詩。顧阿瑛号金粟道人著天寶遺事詩談庚申君事。亦原注

共道淇園長異材  
風欺雪壓倩誰裁  
道人掃向維摩壁

千尺蒼龍護講臺

畫竹

中山絕技妙空羣  
智永傳家在右軍  
為寫頭陀新寺額

筆鋒蒸出墨池雲

工書

梅花菴同林若撫話  
雨聯句

明詩綜林雲鳳字若撫長洲人卧龍山人

集吳門林若撫詞場者艾少時及見臨川湯義仍相與酬唱凡連牀刻燭必窮日竟夜卒之氣

畫而止州乘備採梅花菴在鹿樵書屋後今為尼居。追次平生排比終始公詩自叙此章獨

詳見其

放策名園勝停驂  
客思淹

鳳雲

初涼欣颯爽  
入夜苦靈靈

偉業有待聞乾鵲  
無因見皎蟾  
鳳蒲荒迷鷺影  
花落冷魚

噲鳥語枝頭咽  
蟲鳴葉底潛  
清齋幽事足  
良會逸情兼

業貧士歲書富  
高人取友嚴  
曹騰長自卧  
剝啄遣童覘

北郭余偕隱  
東山爾共瞻

鳳。以上感時物而叙會晤之由也

生來門是

德住處水名廉  
業觸地詞源湧  
推鋒筆陣銛  
萬言成寸

畧一字直三  
鱗雜佩紉  
蘭蒞名材貢  
杞柁三千登  
甲第

四十到宮詹  
鳳仙樂清商  
奏天厨法酒  
霑使車游宛  
雒



樓艦出沱瀟職亞成均掌官同秘院僉含毫芸閣草插

架石渠籤業。記公盛藻魏科封藩于翰染丹青障碁

分黑白奩望崇敷雅素氣直折壬憐鳳道已銘鐘鼎交

仍隔釜鬻雲霄三省相虎豹九關閣業害物磨牙慘持

拳炙手炎游夫空牌闔武士浪韜鈴鳳海寓洪壚熖民

生鼎沸燭天心何巨測宸極竟危貼業夏社松陰改周

原麥秀漸詩書遭黨錮冠蓋受髡鉗鳳暴骨巖城陷燒

屯甲士殲子民餘爨爨尺土剩滇黔業。悼温蔡諸奸

州陸沈民生塗炭也時穎越俗更裳珮秦風失帽檐短

閩已失永明由桂入滇衣還戍削長帶孰蜚織絕跡違朝市全身混里閻鳳挈

舟浮曲澗扶杖度山崦茵閣迎寒茸茅亭帶雨苦業冥

鴻思避弋老馬脫銜箱朋舊從頭數篇章信口占業境

奇窮想入才退苦言砭大歷場誰擅元和體獨織聆音

嗤下里靚貌嘆無鹽好句奚囊貯清談塵尾拈飛觴邀

阮籍豎義問劉惔業。言國變後惟志情洽蠲苛禮形

忘畧小嫌詼諧文乞巧憔悴賦驅店書擬中郎秘香憑

小史添摹蘭將滿握采菊不盈簪鳳紙帳蛛絲罨紗屏

蝶粉黏試茶追陸羽退筆弔蒙恬玩物高居澹安心老

境甜食羹調芍藥釀法製蒹葭發黃擘團臍蟹霜批臣口

鮎香流金杏酢脆入玉梅腌送酒橫波艷調箏素手摻



新聲歌緩：沈飲醉厭：事業。又雅叙隱居瑣梅老看  
圍屋花開待放簷道人君勿媿處士我何謙鳳綠印苔  
間履青飄柳外帘池流緣岸折峰勢入墻尖業興劇神  
偏王狂來語類譎徘徊吟數過撫斷幾枯髯及鳳未始  
之意

聯句

茵閣謝元暉詩隨調芍藥簡文帝七勵離紅製蒹葭

本草綱目蜀人單服蒹葭法五月五日六日九日  
酒與蜜蒸之又暴如此九遍則氣

味極香美熱搗篩末蜜丸服之孟祖為魯川先生  
送照如禪師還吳門名洵字元孟祖為魯川先生

著書數百卷論浮屠與孔子之道合照如以州  
庠生出家住吾郡西郊之華雨庵梅村文集魯

川之婿為余外父魯川三子其季曰毅耕、叩  
之子曰元孟父子為儒者今年夏元孟歌笠叩  
臘已十年矣此即所謂照如師也

秋氣肅羣慮衲衣還故栖雲生孤杖迴月出萬山低乞

火青楓寺疏泉紫芋畦石牀椶拂子畫說是曹溪師原注  
曹

曾溪傳燈錄梁天監元年有僧智藥泛船至韶州曹  
開山立名寶林乃云此去百七十年當有  
無上法寶在此演法今六祖南華是也

吳門遇劉雪舫明詩綜劉文炳弟有攬蕙堂偶存  
州乘備採梅村集有吳門遇劉雪舫詩頗疑新

樂之弟何緣至吳門且明史新樂傳闔門狗難  
僅存文照亦未詳其後也今考得明季有劉文  
炯以宛平籍新樂弟來任吾州管糧判官國變



後寓郡中意當時外戚或以東南為遺種處而謀為是官因此雪舫來游吳而史傳所載特未也備

出門遇高會雜坐皆良朋排閣一少年其氣為幽并羗

裘雖裹膝目乃無諸儻忽然語笑合與我談生平亡姑

備宮掖吾父天家婚先皇在信邸降禮如諸甥長兄進

徹侯次兄拜將軍明史外戚傳劉文炳宛平人祖應元娶徐氏生女入宮即莊烈帝生母孝

純皇太后也應元早卒帝即位封太后弟效祖新樂伯

即文炳父八年卒九年進文炳侯十三年贈應元瀛國

公封徐瀛國太夫人文炳晉少傅叔繼祖弟文耀文人先

照俱晉爵有差按文耀官至左都督故云拜將軍

皇早失恃寤寐求音形太廟奉睿容流涕朝羣臣明史

傳帝五歲失太后問左右遺像莫能得傳懿妃者舊與

太后同為淑女比宮居自稱習太后言宮人中狀貌相

類者命后母瀛國太夫人指示畫工可意得也圖成由

正陽門具法駕迎入帝跪迎于午門懸之宮中呼老宮

或曰否帝而泣似新樂初受封搢笏登王廷至尊亦豐頤

一見驚公卿兩宮方貴重通籍長安門周侯累織微鄙

哉無令名田氏起輕狹賓客多縱橫外戚傳周奎蘇州

父也崇禎三年封嘉定伯賜第蘇州之葑門帝嘗諭奎

及田貴妃父宏遇袁貴妃父祐宜恪遵法度為諸戚臣

奎居外戚中碌碌而已不比先后家天語頻諄獨

見新樂朝上意偏殷勤愛其子弟謹憂彼俸給貧每開  
三十庫手賜千黃金長戈指北闕鼙鼓東西秦寧武止  
一戰各帥皆投兵明史周遇吉傳十七年二月太原臨  
北犯乃憑城固守而潛兵奮擊連數日殺賊無算會食  
盡援絕退保寧武賊亦踵至遇吉四面發大礮殺賊萬



再人設伏城內出弱卒誘賊入城殺數千人城圮復完者  
用十攻一更番進茂不勝矣城遂陷合家盡死而大承  
摠兵姜瓖表至自成大喜遂決榮長驅其使者宣府摠兵王承  
廩表亦至自成益喜遂決榮長驅其使者宣府摠兵王承  
太監杜之秩摠兵唐通復開門運之京師遂不守矣賊  
語人曰他鎮復有此一漁洋股肱郡千里無堅城嗚呼四  
周摠兵吾安得至此  
海主此際惟一身彷彿萬歲山先后輜輶迎辛苦十七  
年欲訴知何因今纔識母面同去朝諸陵初一賊警  
益急命文武勦戚分守京城以繼祖守東安門文耀守永  
定門鞏永固守崇文門文炳以繼祖文耀俱守城未有  
職事十六日賊攻西直門勢益急文炳老母杜氏于樓上  
作申八環命積薪樓下又念瀛國篤老不可俱燼計匿  
之申湛然家十人日帝密召文炳以眾寡不敵對帝愕  
曰永固卿所糾家丁能巷戰乎文炳曰眾寡不敵對帝愕  
然永固奏曰臣等已積薪第中當闔門焚死以報皇上  
帝曰朕志決矣朕不能守社稷能死社稷兩入皆涕泣

誓效死出我兄聞再拜慟哭高皇靈烈：鞏都尉揮手先我  
行寧同英國死不作襄城生門外威傳賊兩入出馳至崇文  
文炳助之殺數十人十九日城陷文炳歸見第自射賊  
不得入：後園適申湛然至曰鞏都尉已焚府第自射賊  
矣文炳曰諾將投井忽止曰我服也不可見皇帝湛然  
脫已憤冠之遂投井死鄒濬明季遺聞英國公張世澤  
城陷即死襄城伯李國禎請賊勿犯陵寢改殯先帝后  
勿害太子二王三事賊並諾數日後帝田貴妃墓惟  
國損一人殺我幼獨見遺貧賤今依人外戚傳十九日  
哭遂隨自入城陷矣照盃脫地直視文照：遽起登樓  
家從之急入曰城陷矣照盃脫地直視文照：遽起登樓  
衆從之懸孝純像母率眾哭拜各縊死文照：遽起登樓  
母背連呼曰遂逃去家人乃共焚樓留  
侍太夫人遂逃去家人乃共焚樓留  
忘更深長安昔全盛曾記朝元正道逢五侯騎願替為  
卿兄年永寧史崇禎末封爵現存者伯六人彭城惠安永

卷二  
三十二



也即君貌酷似豐下而微黥貴戚諸舊游追憶應難真  
依稀李與郭孫外戚傳孝定李太后又復封武清侯至曾  
元郭皇后父維城封博元郭皇后父維城封博元郭皇后父維城封博  
平伯進侯卒兄振明嗣平伯進侯卒兄振明嗣平伯進侯卒兄振明嗣  
須三升舊時白石莊萬柳餘空根孫國救燕都游覽志  
莊在白石橋北臺榭數里古木多合抱竹色蔥蘢盛夏  
不知有暑駙馬園亭當為第一明史外戚傳神宗同母  
妹瑞安公主下嫁萬煒崇禎時燁至太傳文華進海  
諱佩刀入直年七十餘國變同子長祚死于賊  
李侯野秋雁飛沙汀孫承澤春明夢餘錄海堂北  
有亭之懸清雅二字明肅太后手書也亭一望金艸長  
石間之芍藥間之瀕于水則已飛橋而汀橋下金艸長  
者五尺汀而北一望皆荷望畫而山婉轉起伏如真  
山：畔有樓：北一望皆荷望畫而山婉轉起伏如真  
十數里石百座靈壁太湖錦川博平有別業乃在西  
百計喬木千計竹萬計花億萬計

湖濱李東陽懷麓堂集西湖蓮花千畝步長隄息龍王廟香  
風繞袖開翔夢游錄耶皇對惠安蓄名花牡丹天下聞戚外  
后親新園與望湖亭正對惠安伯崇禎中慶臻  
傳張昇以英宗初燔死燕都游覽志太傳惠安伯張公  
齋封賊陷都城自燔死燕都游覽志太傳惠安伯張公  
園在嘉興觀之右牡丹芍藥各數百畝富貴一朝盡落  
花時主人製小甕供游客行花膝中富貴一朝盡落  
日浮寒雲走馬南海子射兔西山陰一統志南海子在  
又西山在宛平路傍一寢園御道居人侵碑鐫孝純字  
縣西三十里  
僵石莓苔青下馬向之拜見者疑王孫詢是先后姪感  
歎增傷心明史后妃傳莊烈帝居勛勤宮問近侍曰西  
有每密付金錢往祭及即位上尊謚曰孝純落魄游江  
恭懿洲穆莊靜毗天毓聖皇太后遷葬慶陵落魄游江  
湖踪跡嗟飄零傾囊縱痛博劇飲甘沈淪不圖風雨夜



話舊同諸君已矣勿復言涕下沾衣襟

三十庫

按明史諸志無三十庫容齋三筆神宗有恢復幽燕之志于內帑置庫凡三十二庫此或

借用其語耳

贈徐子能

蘇州府志徐增字子能吳江人有而菴詩話而菴集

如子聲名早相聞畫故人懶余交太晚知我話偏真道

在應非病詩成自不負休教嗟拊髀纔得保沈淪原注子能

病塞

未卜林塘隱還將野興消鶴聲常入市樹勢欲侵橋老

病人扶拜狂吟客見招知從甫里近白首共逍遙

元墓謁剖公

宏璧字剖石無錫鄭氏子梅村文集當三峰舉揚臨濟宗旨剖石與黃龍

師字補其  
字下

並出其位下其後黃龍走之章門廬岳而剖石補其故處修祖庭以化導吳人者三十年師

一衲消羣相孤峯占妙香經聲清石骨佛面冷湖光花

落承趺坐雲歸識講堂空潭今夜月鐘鼓祝前王

過間果師園居

帆影窓中沒鐘聲樹杪移簷依懸果近閣避偃松歌菜

甲春來早茶槍雨後遲散齋間獨往應與道人期

游西灣

斷壁猿投粟荒祠鼠竄藤鐘寒難出樹雲靜恰依僧選

勝從吾意捫危羨客能生來幾量屐到此亦何曾

過甫里謁願公因遇雲門具和尚



晴湖百頃寺門橋梵唱魚龍影動搖三要宗風標漢月

原注具公之師同論三元三要。具公之師即漢月也

文集漢月於臨濟一句分明之中有元有要照用權實

料簡回互賓主歷然按詩句四明春雪送歸潮公越人

高原落木天邊斷獨夜寒鐘句裏銷布襪青鞋故山去

扁舟蘆荻冷蕭。開期天應佛日請將行。文集具師

則天寧而杭之佛日靈隱徑則慶雲高郵則地歲維揚

山又還自江北主焉者也

三要一捫風新語宗門建立三要

代具師答贈

微言將絕在江南一杖穿雲過石龕早得此賢開講席

便圖作佛住精藍松枝豎義無人會貝葉翻經好共叅

塵尾執來三十載相逢誰似使君談

晚泊

寒鋤依岸直輕槳盪潮斜樹脫餘殘葉風吹亂晚霞沙

深留豕跡溪靜響魚又乞火村醅至炊烟起荻花鋤當

鄭注周禮大司徒勑里宰治處若今街彈之室趙明誠

金石錄跋昆陽城中漢街彈碑云周名勑漢名街彈今

申明亭也



梅村先生詩注第二卷九月廿九日錄畢於  
漳州試館松門記





